

سنة : ۲

ربيع الاول ۱۳۴۳

ابول ۱۳۴۰

صالي : ۱۶

دار الفنون

حقوق فائز و مستحق

حقوق اقتصاديات

ايکي آيه بر سر ارنور

منه رجات

قسم حقوقی :

- قضا صلاحيتك شخص وموقع اعتباريله تحديدانى [جميل]
مديونلره عائد حقوقك دايملر طرفندن ادعاى [رشيد]
مسئوليت عقديه ومسئوليت جرميه [صديق سامى]
فردى حقوق اجتماعى حقوق واستحالة دولت [اديب]

قسم اقتصادى :

- اجتماعى مسئله نك فرائض جبهه سندن كورونوشى [فاضل]
اقتصاد ملي [منير]

استانبول — مطبعة طامره

۱۳۴۱ — ۱۳۴۳

اجتماعی مسئلہ نك فرانسز جہہ سندن كورونوشی

- صور بونہ مدرسہ مدرسہ موسیو بوغدنك

استانبول دار الفنون شماره ۱۲-۸ شماره تالی ۱۳۴۰

تاریخچه و پروری درت قونفرانس دره و مشکدر...

۱

زراعی صنف و فیزیوگرافی عنفوسی

فرانسه ده اجتماعی مسئلہ : ایشته ایلک قونفرانس لیمك موضوعی بو اوله جقدر . بو مسئلہ نی بر تاریخچی کوزیله تدقیق و حال ایله ماضی آره سنده دولاشه رق حل ایتمکه چالیشه جقم . عینی زمانده فرقه لرده ، سندیقالرده ، عمله اتحاد لرنده ، ایش باشنده کوره بیلدیکم اجتماعی حرکاتک مدیرانی طرفندن اورته یه سورولن ادعایر ، احضار ایدلمش اولان پروگراملر ، تحریک ایدیلن حسلر ، حقنده آکلاد قلمی عرض و ایضاح ایده جکم : اجتماعی حرکتہ اشتراک ایدنلر بعضاً بیلهرک ، بعضاً ده بیلیمیه رک ، تاریخه کوك صالح اولان افکاره تبعیت ایتمکده درلر . ایشته بنده کوکی تاریخده اولان بو فکرلری میدانہ چیقارمغه ، بو کونکی فرانسه نك تمایلاتی اسکی عنفنه لره ربط ایتمکه ، حصر مساعی ایله جکم .

اجتماعی مسئلہ یالکیز بو کونکی فرانسه یه خاص دکلدر : بو ، مسئلہ هر زمان نظر دقتی جلب ایتمش اولماق له برابر همانده هر مملکتده موضوع بحث اولشدر . بویوک صنایعک تشکل ایتدیکی هر یرده اجتماعی مسئلہ در عقب عرض وجود ایدر : کولکه آدمی نعل تعقیب ایدرسه اجتماعی مسئلہ نك ده بویوک صنایعی او صورت له تعقیب ایتدیکنی قبول ایله مک جائزدر . صنایعک تکاثف ایتدیکی کنیش محیط لرده عمله و اجیر صنفی کندی احتیاجاتی ، کندی قوتی ادراک ایدنجه طویل و بولونالرندن استفاده ایده رک سعی سرمایه یه اوده دیکی آغیر ویرکودن قور تارمغه ، جمعیت و دولته یکی ودها مکمل برانقسام ثروت اساسی قبول ایتدیرمکه چالیشیرلر . ایشته اجتماعی مسئلہ دیدیکمز شی بودر .

اجتماعی مسئلہ ضمننده اوچ شی وارددر : عمله قانونلری ، متعضو جمعیات و عمله حرکتی اداره ایده جک اولان بر مفکوره .

ایک ایکی عنصر خصوصنده فرانسه ملتک باشنده کلن بر مملکت دکدر . مثلاً اوسترالیاده مساعی قانونلری فرانسه دن دما چوق اول باشلامشدر . بوراده عملیه قانونلری اپی زمان اول اجرتی مجبوری قیلمشدی . متعضو جمعیاتک قدرت و شرائطی موضوع بحث اوله حق اولورسه بو خصوصنده مثلاً باجیقا سندیقارلیه ، قواو پراتیف شرکتلریله فرانسه یه تقدم ایتمکده در .

فقط بوکا مقابل فرانسزلرکده برنجی صفده اخذ موقع ایتدیکی بر ساحه وارددر . بوده جمعیتک اصلاح و تنسیقی تأمین ایدمک اولان افکار ، عقائد و سیستملر ساحه سیدر . مسائل اجتماعیه خصوصنده فرانسزلردن بیوک موجودلر حقیقش و بر چوق فرانسمز متفکرلری مستقبل بشریت ایچون کاشانه لر قورمق ایسته مشلدر .

۱۹ نجی عصرک ایک نصفنده فرانسه ده اجتماعیات خصوصنده اوچ بیوک بانیتشمشدر : بونلرده سن سیمون Sait simon ، فوریه Fourier و پرودون Proudhon در .

سن سیمون ۱۸ نجی عصرک صوکنده دوغمشدر . اوکا کوره « هر شی صنایع واسطه سیله و هر شی صنعت ایچون » در . حقیقی مستحصللر صنعتکارلردر . بونلرک یالکز جهد و غیرتلیخی تشویق ایتک کافی دکدر . موقع اقتداری اشغال حق ده کنیدیلرینه راجع اولمالیدر . دولت دوا ارنده هب صنایع اصوللر تطبیق ایدمه لیدر . سن سیمون نظرنده بوتون بو اصلاحاتک غایه سی ، جمعیت افرادینک قسم اعظمک مقدراتی ماده و معنأ اصلاح و اعلا ایتمکدر .

فوریه ، هجوملری بالخاصه متوسطلر اوزرینه توجیه ایتمکده در . تجار صنفی اونک اوزرنده بر طفیلی تأثیری یاقمده در . فوریه بو اعتبار ایله بر طاقم استحصال و استهلاک قواو پراتیفلری تشکیل صورتیه بو صنفک توسطندن واز کچمه نک تعممنی ایسته مکده و بو قواو پراتیفلره کنیدیسی (فالانستر - phalanstère) نامنی ویرمکده در .

پرودونده پک چوق داهیانیه فکرلر وارددر . فقط بو فکرلر داهیانیه اولدینی قدر متضاددر . بو کون بیه بر چوق سوسیالیست پارتیلری ، پرودونک کنیدیلرینه براقیدینی فکرلر ایله احتجاج ایتمکده و بو فکرلردن استفاده یه چالشمقده درلر . سرمایه یه قارش « ملکیت سر قدر » سلاحنی قوللانان پرودوندر . پرودون دولتی و قومونیت دکلدی ؛ بالعکس آشکار صورتده دولت و قومونیسیم علیهداری ایدی . صنایع و زراعی جمعیتدن مرکب بر نوع فده رالیسم تأسیسی پرودونک مطمح نظری ایدی . بالاخره کلن قارل

مارکس Karl Marx ، بو بویوک اجتماعی موجدلری اوزون مدت بر ظل خسوف آلتندہ بر اقصدر . یالکیز کال استخفاف ایله ، خیالچی سوسیالیست Sozialiste utopiste نامی ویردیکی بو متفکرلردن قارل مارکسکده پک چوق شی اقتباس ایتدیکی نظر دقتہ آلتندہ شایاندر . « سرمایه » [۱] مؤلفنک (هه کال) اسلوبندہ قوردینی معظم کاشانده بر چوق مواند ایتدائیہنک ، حتی تام معناسیله بعضی اقسامک ، حرکت اجتماعیہنک کندیسندن اول کلن فرانسز مبشرلرندن استعاره ایدلیدیکی قولایلقله اثبات ایدیلہ بیلیر . بونقطه اوزرندہ فضله توقف ایدمیه جکمدن توضیحی ایچون سور بوندہ مسلکداشم (شارل اودلر Ch. audler) ک عالمانه بر طرزده ویکیدن طبع و تمثیل ایتدیردیکی (قومونیسٹ بیاننامہ سی Manifeste Communste) [۲] نه مراجعت ایدیلہ بیلیر . متنه ملحق اولان حاشیہلرده متبحر پروفور قارل مارکسک سن سیمونیہن و فوریہریستلردن واقع اولان متعدد اقتباساتی نظر دقتہ عرض ایتمکده در .

دها باشقه نقطهلرده وارد : مارکسک تأسیس ایتدیکی سیستمده بعض نقصانلر موجوددر و تجارب مرور زمانله بونلر اوزرینه نظر دقتی جلب ایتشد . مارکسه کوره سرمایہدارلنک تکاملی ، اجیر صنغنک تدریجی صورتده دوچار فقر و سفالت اولسیله بالضروره بر آفت انتہائیہ ، بر انهدامه ، منجر اولق لازم کلردی . بو انهدام حصوله کلدی ؛ ذاتاً لاسلاک « پنج قانونی la loi d'airain » نه رغماً ، عملہنک شرائط حیاتیه سنک کوندن کونه فنالاشه جفی حقمده کی ادعاده صوک درجه قابل رد و جرح برمدعادر .

مارکسیسمک تحقیق ایدن بو عدم کفایه سی اوزرینه اسکی فرانسز سوسیالیسمی لهنده یکی بر حرکت بلیرمشد . فی الحقیقه فرانسز سوسیالیسمی ملایمتی حسبیلہ زمانمز شائاتی ایله ده زیادہ قابل ائتلاف کی کورونمکده در .

لیکن تمایلات حاضرمدن هانکیسنک سن سیمونیونیہن ، فوریہریست و پرودونیہن عنعنات ایله کسب ارتباط ایتدیکنی آراشدیرمه باشلامازدن اول ، هر سوسیالیست قوتنک فرانسده نظر دقتہ آلمه مجبور اولدینی بر قوتی نظر کزده تبجلی ایتدیرمک ایسترم . بوده صنوف زراعیہ قوتیدر . بونی تقدیماً تدقیق ایتک الزمدر . زیرا فرانسہ هرشیدن اول زراعی بردولتدر . فرانسزلرک دیدیکی کی کویلولک La paysannerie ،

[۱] قارل مارکسک مشهور اثری

[۲] مارکس وانکلسک مشهور بیاننامہ سی

شبهه سز موقع نسبى كندى كه كوچولمكه برابر ، فرانسه ده هنوز غالب بر عنصر حالنده در .
 ۱۹۱۱ تحریر نفوسنده استاتستىقلر ۵۶ نفر س زراعى به قارشى ۴۴ شهرلىك موجوديتنى
 كوسترمكده ايدى : باشقه جه ۲۰۰۰ دن فضله نفوسلى قصبه لرده اهالىك عموميتله شهرلى
 عداولندينى ده نظر دقه آلماليدر . حالبوكه فرانسه ده كوچوك قصبه لرده چفتجيارك عددىك
 عملهك عددينه فائق اولدينى جملهك معلوميدر .

بوندن ماعدا فرانسه ده زراعى استحصالاتك مقدارى ده قيمت اعتباريله صناعى
 استحصالاتك بك فوقنده در . ۱۹۱۲ ده بوغداى محصولك قيمتى ايكي ميليار ، يولافك
 برميليار ، شرابك بريچق ميليار فرائق تقدير اولندينى حالده كمور استحصالاتى ۶۷۶ ،
 فونت ۳۴۰ ، ايشلنش دمير وچليك ۶۵۲ ميلون تخمين اولونمقده ايدى .
 بورقلر شايان دقتدر : چونكه بوكيفيت مستحصلين ارضيهك فرانسهك سياستنه
 نه درجه آغير باصالارى لازم كلديكنى صراحه كوسترمكده در .

فرانسه ده ملكيت اراضى خصوصنده حاكم اولان اصولى شوصورتله خلاصه ايتكم ممكندر :
 چوق مقدارده صاحب ارض وبالنسبه كوچوك اراضى ؛ فرانسه ايچون بو برقاعده
 عموميه در . (اوژه لاريبه Augé Laribé) يه كوره فرانسه ده بيك هكتاردن فضله
 وسعتده ۳۰ - ۴۰ پارچه املاكه مقابل ۵۰ - ۵۰۰ هكتار آراسنده يوز بيك ،
 ۱۰ - ۴۰ هكتار آراسنده ۷۰۰ بيك ، ۱۰ هكتاردن كوچوك اولمق اوزرده ۴،۵ ميلون
 پارچه املاك موجوددر .

املاكك بو طرز توزعنه كوره ، فرانسه زراعت عالنده پاترون صنفك مقدارى اجير
 صنفك دوننده قالمش اولسه يدى بونى كال حيرتله تلقى ايتكم لازم كله جكدى : ۱۹۱۴ ده
 ۵،۲۱۹،۴۱۶ پاترونه قارشى ۳،۲۹۷،۷۶۶ زراعت عمله سى تعداد اولونمقده ايدى . حربدن
 صوكره ايسه اراضيسنى كندى كندينه زرع ايدن اصحاب املاكك مقدارى ترايد ايتمش كې
 كورونمكده در . بو مدت ظرفنده كيلولر بر چوق اراضى صاتين آلدقلى ايچين اراضى
 رانتيله رينك ، نوعما ، چفتجيار طرفندن استملاك املاكه معروض براقيله سى كې بر وضعيت
 حادث اولمشدر . ايشته بو شايان دقت حادثات : يعنى ملكك نفوس زراعيه سنك اهميتى ،
 كوچوك ملكيتك تفوق ، پاترونلر مقدارينك عمله دن فضله اولماسى ، فرانسه حركت اجتماعيه سنك
 بعضى معين استقامتلىر آلماسنه سبب ویرمشددر .

شايان دقت اولان نقطه لردن بريده فرانسه ده ۱۸ نجى عصر دن برى ارباب زراعتك

تمایلاتی تطمین ایدہ جک اقتصادی بر مسلک تشکل ایتش اولماسیدر. بو مسلک فیزیوقراسی مسلکیدر، فیزیوقراتلرک مشهوری دوققور کنه Quesnay ایدی؛ زراعتی سربست قیامق، تجهیز ایتک ویوکسلتمک فیزیوقراتلرک پروغراملرینک اوچ اساسلی ماده سنی تشکیل ایدیوردی. سربست قیامقدن مقصد هر ولایتی یکدیگرندن آیران داخلی کمرکک الغامی ایدی. تجهیز ایتکدن مقصد چفتجی یی تربیه ایتک، کندیسنه اعتبار تأمین ایلمک ودها مکمل وسائط صنعت تدارک ایتک ایدی. یوکسلتمکدن مقصدده چفتجینک باشلیجه مستحصل اولدیغنی کندیسنه آکلاته رق نفوذینی اعلا ایتکدن عبارتدی. بوتون ۱۹ نجی عصر ظرفنده بو «مستحصل» عنوان لطیفی اطرافنده برچوق محاربہ لر اولمش وهر صنف بو عنوانی بر علم صنعت کی قوللانق اوزره اغتنام ایتک چالیشمشدر.

فیزیوقراتلر مستحصل صفتی یالکیز چفتجی یه حصرا ایتک فکرندہ ایدیلر. بونلره کوره یالکیز سعی، طبیعتک قوتلریله مزج ایدلمش اولدیغنی حالده، بر حاصل صافی ویریدی؛ اراضی یی ایشله یین ارباب سعی یاننده دیگر صنفلر هپ عقیمدی و مستحصلاتک قیمتندن فضله قیمت استهلاک ایدن طبقاتدن عبارتدی.

بو فکرلرده برنوع صنف غروری یاشاتمغه، ارباب زراعتک مطالباتنه معین بره دف بخش ایتک پک مساعد بر عنعنہ واردی. لکن ارباب زراعتک بو کونکی بو مطالباتی نلردن عبارتدر؟ بو کونکی فرانسیز کویلو سنک هرشیدن اول ایستہ دیکی نهدر؟ ممالک اجنبیه ایله اولان اقتصادی مناسبات نقطه نظرندن فرانسیز کویلو سی دولتک مداخله سنہ طرفدار، یعنی بوخصوصده، تماماً اصول حمایه یه سالکدر. بو خصوصده کی مجاهدات و موفقیاتیلہ مشہر اولان باش وکیل موسیو (مہلین) ک اسمی بو سیاستک برتمثالی مقامنه کچمشدر.

حکومت حاضرہ صنایع مواد ایچون کمرک تعرفہ لرینی تنزیله چالیشہ جقدر. لکن زراعی مستحصلات ایچون بو تعرفہ اولدیغنی کی محافظہ ایدلمه لیدر. زیرا زراعت اوزاق ممالک تدارک بوغدا یلرینہ قارشى رقابت ایدہ جک درجہ ده قوتلی دکدر. عدم حمایه حالندہ کویلو یأسہ دوشہ جک وکویلر بوشانه جقدر. کویلو یه بر رفاه مادی تأمین ایتمه لیدر، بو کندیلرینک حقیدر؛ دوققور کنه بیله بو حق اونلر ایچون طلب ایتشدی. بونقطه استثنا ایدیلہ جک اولورسه فرانسیز کویلو سی دیگر خصوصاتندہ دولتجیلک و قومونیسیم علیہ داریدر. فقط بو فرد تجیلکہ رغماً سندپقا حرکتنه بیکانه قالمش دکدر.

بعضىلرينىڭ ياپىدىغى كېي فرانسىز كويلوسنىڭ تارلاسنە حقىلە تصاحب ايدە بىلەن كجە تماماً فرديتى
قاله جغى مەدايە تىكرار ايتىك خطا در. زراعت اربابى كندىلرندن زياده عمله ايچون ياپىلەش
اولان ۱۸۸۴ جىغىلر قانۇنندن استفادە ايتىكى بىلەشلىر، اكثريا قواوپراتيف شىركىتى حالندە
اولان جىغىلرينىڭ عددىنى تىكشىر ايتىشلىردىر. شىركە كۆپرە وسائىر مواد ساتىن آلىق،
جىلەلرە قارشى مجادله ايتىك، حيوانات اولومنه قارشى زراعى سىغورطەلر عقد ايلەمك
مەصدىلە چىقىلر آراسىندە تىشكىل ايدىن جىغىلر ك عددى كىتىدكجە چوغالمقەدە در. بر
مقتصد بو حادىئەنىڭ ۱۹ نىجى عىصر ك الاشايان دقت واقەسى اولدىغى بىلە ادعا ايتىمكە در.
بوكون فرانسەدە درت بىك قدر جىغىلدىن مەركب واعضاسى بر مىليونە بالغ اولان بر
(چىقى سىدىقارلى اتحادى) وارد كە چىقىلر ك اجتماعى ساحەدە كى مساعىلر نى برانتظام
تحتە آلان بر نوع زراعى پارلمنتو وظىفە سنى ايفا ايتىمكە وفرانسەدە سياست وادىسندە
كوندىن كونه مەزايد بر تائىر ونفوذ ايقاعنە مقتدر بولونمقەدە در.

بونفوز ك ياكىز ارتجاع فرقه لرى لىندە اولدىغى پىك چوق دفعەلر ادعا ايدىمىشلىر. ۱۹۲۰
انتخابى فرانسەدە كويلونىڭ بولشەوىزىمك يولنى كىمك غىرىتەلە ملەم اولدىغى كوسترەشسەدە
۱۹۲۴ انتخابى دە بونفوزك صول طرف پارتىلر بلوقى Bloc des gauches نەدە رآى وىرمە
مستعد اولدىغى اثبات ايتىشلىر. كويلو پىك چوق انتخابات منطقە سىندە رەبان Curé وقرالىت
Chatuau طرفدارلر نە قارشى اعتماد سىزلىق ارانە ايتىشلىر. بوكا بئە مىشلەنىڭ «عملە كىمىك
يلىكى وچىقى دىمىردىر» سوزىنى تصحيحاً «چىقى صقاردر» دىيە بىلرلىز. بونفوز
ترقى يولندە فرانسىز ملتە بر حائل دىل، بامكەدە اوكا استقرار بىش ايدىن بر قوتدر.

۲

نەدوستريالىسىم و سى سىدون سوسىيالىسىمى

دونكى قونفرانسەدە معاصر فرانسەدە غايت مەم برە وقى حائز اولان كويلو كىتە سنى
نظر كزە تىجلى ايتدىرەكە چالشمىش و بونفوزك اهمىتىك درجە سنى، ماضى سنى، مەربوط
اولدىنى عنىقانى و تەمايلات حاضرمە سنى ايفاح ايتىشلىم.

عجلىجى بر طاقم اختلاجلر ك تصادف ايدە بىلە جىكارى مقاومتك درجە سنى ايجە آ كلايە.
بىلەك ايچون مەشىدىن اول اھمال ايدىلە مەجك بر قوت اولان كويلونىڭ اجتماعى و سىياسى

حیات اوزرینه اجرا ایده جکی تأثیر و نفوذی نظر دفته آلمق ایجاب ایدر . لکن بوسوزلم بوقوتک فرانسه ده یکنه بر قوت اولدینی معناسنه آلمانلیدر . هر شیدن اول زراعی بردولت اولان فرانسه عینی زمانده صناعی بردولتدرده . ایشلرک ، یعنی امور صناعیه و تجاریه نك ، فرانسه نك ایشی اولدینی ظننه دوشوله جک اولورسه حقیقتک تام عکسنه کیدلمش اولور . خلاصه زراعی فرانسه عینی زمانده بویوک بر صناعت مملکتیدر . لکن بو نقطه ده ده فرانسه ک اوکره اولمق ، صنایع عظیمه یوللرینی ایلک اوکجه کندیسسی آچمش بولونمق شرفیه تفایده ایدر . انکلتیره بوبابده کندیسنه تقدم ایتشدر . بویوک صنایع یولنی ایلک آچان انکلتیره در . موسیو (پ . پ . مانتو P. Mantoux) نك پک طوغرو اوله رق اختلال صناعی Revolution industrielle اسمنی ویردیکی حادثه ایلک اوکجه انکلتیره ده ماکنه لرله ، ازجه ده دو قومه ماکنه سی ، وبالحاصله بر زمانلر انکلیزلرک آتیش طلومباسی pompe à feu دیدکلی بخار ماکنه سی استعمالی ایله باشلامشدر .

بیوک صنایع ایلک دفعه انکلتیره ده وجوده کلمش و انکلتیره بی تقلیداً ۱۹ نجی عصر ابتداسنده فرانسه یه کچمشدر . ماکنه ایله واقع اولان استحصالاتی دیگر طرز استحصالدن تفریق ایچون اوزون مدت بواصوله انکلیز سیسته می نامی ویرلمشدر . لکن انکلیزلر صنایعک تطبیقاتی خصوصنده فرانسزلره تقدم ایتمکه برابر ، نظریات وادیسنده نئدوستریالیسیمک اک بیوک نظریه جیسی ، اک بیوک فیا سوفی ینه هانری دوسن سیمون اسمنده برفرانمز اولمشدر . سن سیمون صنایع خصوصنده دنیانک معروض قالدجنی استحالاتی اک اول واک مکمل بر صورتده حس وادراک ایتمش اولمق شرفی حائر در . هانری دوسن سیمون ۱۸ نجی عصرک ثلث اخیرنده دو غمش و ۱۹ نجی عصرک ثلث اولنده وفات ایتمش بولندینی ایچون ایکی عصرده آیاغنی آتیش اولویوردی . بو ذات حقیقه یکی طوغه جق اولان دورک پیغمبرلرندن بریدر .

سن سیمون بر آرز هر تلدن چالمش ، تفسادفی اوله رق اورته یه برچوق فکرلر اتمشدر . بو فکرلرک ایچنده ولود اولانلر پک چوقدر . سن سیمون اختلال کیر صارصیتیلرندن صوکره دنیایی قور تارمق ایسته یلرندن بریدر . « بشریت خرابه نشین اولمق ایچون یارادلامشدر . » دین بو ذات اولمشدر .

بیقدقدن صوکره تکرار یامق ، جمعیت ایچون بر « اصولی وحدت unité systématique » پرنسپیی احداث ایتمک لازمدیر .

بومقصده وصول ایچون سن سیمون ابتدا علم اوزرینه استناد ایتکده در . دها ایلک
 اثرلرنده : — (Introduction aux travaux scientifiques du XIX^e siècle) — (Mémoire sur la science de l'homme)
 ایچون لازم اولان قوتلرله مشغول اولمقده و معلوماتی بر اصول دائره سنه ارجاع ایدرک جمعیتک
 بتون قوتلرینک اتحادینی تأمین ایدرک اولان وحدت پرنسپینی بولمغه حصر امل ایتکده در :
 لکن آز سوکره سن سیمونک نظر دقتی دها مهم و مستعجل بر مسئله جلب ایتمش
 و کنديسی بو مسئله اوکنده توقفه مجبور ایلر مشدر : ناپولیون محارباتی دنیایی یاسه القا
 ایتمشدر . آرتق هرشیدن اول بشریتی حربدن تخلص ایتک لازمدر ؛ ایشته بونک ایچون
 ۱۸۱۴ ده کاتبی (اوغوستن تیهری Augustin Thierry) ایلر مشترکاً بر اثر یازمشدر که بو کتابک،
 اوروپا جمعیتک یکی باشدن تنسیقی و بونک واسطه لری حقنده اولان، اسمی بیلر باشلی
 باشنه بر پروگرام ، حتی بوکونکی جمعیت اقوامک پروگرامیدر . سن سیمون بو اثرده
 بو مسعود نتیجه واصل اولمق ایچون اک زیاده استناد ایتدیکی قوتی تحلیل ایتکده در که
 بوده صنایعدر . بشریتی انجق صنایعک ترقیاتی سایه سنده حقیقه تخلص و صلح و سکونه
 نائل ایتک ممکن اوله بیلر جکدر .

سن سیمون «هرشی صنایع واسطه سیله وهرشی صنعت ایچون tout par l'industrie-
 «to it pour eble» جمله سنی کثرتله استعمال ایدردی . هرشیدن اول ارباب صنایعک کندی
 اقتصادی قدرتلرله متناسب سیاسی بر اقتدار الله ایتمه سنی ارزو ایلردی . ارباب صنایع
 تجربه دوره سنی کچیرمش بر چوق ثروت ادخارینه موفق اولمشدر . بو تجربه لرندن استفاده
 ایچین حکومت مجلسلر ننده دها واسع موقعلری اولمالیدر . حکومت اصوللرینک صنایع
 ذهنیتک آشانماسیله اصلاحی : ایشته سن سیمونک ایسته دیکی بو ایدی .

سن سیمونک فکرلرینی اکلامق ایچون سوسیالیستلرک کنديلرینی دولتجیلکی سوء -
 استعمال ایتکله اتهام ایلرینلره قارشى اکثریا قوللاندقلى بر جمله یی استعمال ایدر بیلر :
 سوسیالیستلر، اشخاصک اجرای حکومت ایتمه سیله اشیانک اداره سنی برندن تفریق
 ایتک لازمدر، دیرلر . برسوسیالیست حکومتنده اشیا دها ایی اداره ایدیلر جکدر . چونکه
 اقتضایدن اقتصادی تدبیرلر اتحاد اولنه جق، انسانلر دها آز جبر و تضیق آلتنده قالاجق،
 قوه عسکریه سوقنه دها آز مجبوریّت حس اولنه جقدر . اقتصادی طرزده بر اداره قارشو سنده
 قوت و جبر واسطه سیله اداره اصولی کریمکه مجبور قاله جقدر .

بوتلقیاتك اصلی سن سیمونده موجوددر . سن سیمونك صنایع حقنده کی کوچوک
اثرنده بوفکر واضح بر صورتده کوریلور . اجرای سلطنت ایدن فکر صنعت اولدینی
زمان تجاری ماهیتده براداره موجود دیمکدر . بوراده ایکی طرفلی مقاولاته دهها بویوک
برموقع ویریلیر وعسکرجه سنه اجرای تحکم ایده جک یرده ایش آدمی کی اداره ایدیلیر .
عسکرلک سن سیمونك نفرت ایتدیکی برشیدر . « قلیج سالان Sabreur » دیدیکی
عسکرلر ایله « لاف آتان Parleur » دیدیکی آووقاتلره قارشى سن سیمونك هیچ برتوجهی
یوقدر . آووقاتلر سلطنتنه قارشى ایلك اوکجه صدای اعتراض یوکسلتن سن سیمون اولمشدر .
ایچنده اختصاصك عمومیتله پک سونوك قالدینی پارلامانتاریسمه قارشى سن سیمون بر مقتصدلر
مجلسنی ترجیح ایتمکدهدر . قلیج سالان ولاف آتانلرک اجرا آتی رینه مسلکی اختصاصك
اقامه سی ، حکومت اصولارینك فیکر صنعت زرقی صورتیه اصلاحی : ایشته سن سیمونك
افکارینك اك اساسلی نقطه لری بونلر ایدی .

بوفکرلریله سن سیمون سوسیالیسمك مبشرلرندن بری اولور ایدی . حقیقه « یکی
خرستیانلق Nouveau Christianisme » اسمنده کی اثرنده ، تکلیف ایتدیکی اصلاحات
اجتماعیه دن مقصد اصلی ، جمعیتك اك قالابلق ، اك فقیر و اك بدبخت صنفی اولان عمله
صنفنك مقدراتنك ماده و معنأ اصلاحی اولدینی سویله یوردی . کذا سن سیمونك
بوکتابده قاتولیکلک و پروتستانلق ایچون الزیاده نظر دقته عرض ایتدیکی شکایات عملهنك
رفاه مادیسی ایله کافی درجه ده مشغول اولمالاری ایدی . بونیلر حکومتك نظر دقنی امور
نافعه یه دوغری سوق ایتهمش ، بونی کندیلرینه مال ایتهمشلردی . دائماً « آلتون دوری
آرقه مزده دکل اوکومزدهدر » جمله سنی تکرار ایتکی سون سن سیمونه کوره ترقیات
صناعیه ، هرشیدن اول خلق کتله سنك طالعی اصلاح ایده بیلیمک قابلیتنده اولمالیدی .
بوصورتله سن سیمونده سوسیالیسم املی اندوستریالیست عقیده سنه آشیلانمش اولیوردی .
سن سیمونك افکارینی کندیسندن صوکر تعمیم ایدن شا کردلری اولمشدی . استادك
برچوق کزیده شا کردلری واردی . وفاتی عقبنده برچوق ممتاز فکرلر گندی سنك افکاریه
استشهاد ایتکه باشلامشلردی . بونلر ایچنده مهندسلر ، طبیلر ، ایش آدملری ، بانکرلر
موجوددی . بونلر سن سیمونك فکرلرینی تعمیم ایتکی ، انسانیتی یکیدن احیا ایله مکی
کندیلرینه امل اصلی اتخاذ ایدن برزمره تشکیل ایتملردی . بونلرک ایچنده بعضی
مفرطلرده واردی که استادك فکرلرینی تصوفه قدر کوتورمشلردی .

بونلردن (آفانتین *Enfantin*) ك تأثیر یله سن سیمونییه نلر مکتبی برکلیسا حالنه گیرمشدی. بوکلیسا منتسبلری دائماً آرقداشلرینك یاردیمینه مجبور اوله جق صورتده ارقه دن ایلیکله نیر کوزل برماوی البسه کیرلر و بوضورتله تساند پره نسپینی دائماً کوز اوکنده بولونیدردقلرینی کوسترمك ایسترلردی. بودینی حما اوزون مدت دوام ایتمشدی. کونك برنده سن سیمونییه نلر قادینك کندیلرینه لازم اولدیغنی ادراك ایتمشلردی. کندری کندیلرینه « قادین رفقای » نامنی ورن بعضی آرقداشلر « بومسیچی قادینی عییا زرده بولوروز؟ » دیرك تاشرقه، استانبوله قدر، ککشلر، استانبوله سوقاق سوقاق کزیمکه، چارشافلی قادینلر اوکنده طوردرق بونلردن برینك آرادقلری مسیحی قادین اولوب اولدیغنی بربرینه صورته باشلامشلردی، اوزمانك سلطانی ده بواشدن طبیعتیه برشی آ کلامدیغنی ایچون اولری همان واپوره بیندیردرک مصره سوق ایتمشدی. بوضورتله کیتدکلری مصرده بو آرقداشلره ده چوق پراتیک بر فکر ککش، بونك اوزرینه سویش قالنی آچنی دوشونمشلردی. سن سیمونییه نلر یالکیز متصوف دکل، عینی زمانده اقتصاده یکی برحیز ویره جك، یکی رفاق آچاجق قدر کنیش براقصادی عقیده صاحبی ایدیلر. اولر ایچون ایلک پروغرام استادلرینك احیا و تشویق صنای پروغرامنك محافظه سی ایدی. غایه و وصول ایچون ده صنایع اربابنك آرا لرنده آ کلاشمسی، مقاولات عقد ایتمسی، صنایع اله باشیلری طرفندن اداره اولنمهی قبول ایلمهی، بانکرلردن الهام آلماسی لازمدی.

جمعیتی یکیدن تنسیقه موفق اولماق ایچون دیکر طرفدن دولته سربستی رقابتك تحدیدینی قبول ایتمک اقتضایدردی. سربست مکتب اقتصادینك « براق یاسین، براق کچسین *laissez fair, laissez passer* » دستوری بوینه تکرار ایتمه ملیدر. رقابتك نتیجه سی انسانلرک یکدیگرینی از مسیدر. استحصال ایله استهلاک آراسنده معقول بر موازنت یوقدر. بناء علیه رقابتی تحدید ایتمکدن قورقاملیدر.

ثانیاً وراثتی تحدید ایتمک لازمدر. صنایعک ترقی ایتمسی و هر کسه فائده مند اولسی ایچون دنیانك مقدراتی حقیقی قابلیت اصحابنك اداره ایتمه سی لازمدر. مزیات مخصوصه صاحبی اولماق ایچون برزنکینك اوغلی اولماق کافی دکلدر. انقسام ثروتده « هر کسک قابلیتیه و هر قابلیتیه اثارینه کوره » حصه ویرمه لی و بناء علیه وراثت الفا اولونمالیدر. بویوک میراثچی، اموالی عمومک نفعنه کوره ایشلته بیله جك اولان دولت اولمالیدر. باشقه جه دولت عهده سنه اموالی عمومک منفعتنه موافق اوله رق یکیدن توزیع، وسعی یکیدن تنسیق ایتمک وظیفه سی ترتب

ایتمه لیدر . بو صورتله سن سیمونیه نلرک پروگراملرینک بالذات ملکیتک تحدیدی ایله نهایت بولدینی کورولمکده در . سن سیمونیه نلر ملکیتک اولدقجه واسع برچوق تحدیداتی کمال صراحتله موضوع بحث ایتمشله و بو خصوصده بر حرکت تاریخیه یی دوام ایتدیرمکدن باشقه برشی یایمقلرینی ادعا ایتمشله در : بوکون بزه بو قدر مقدس کورونن بو مطلق ملکیت حقنک هر زمان موجود اولدینی طوغرو دکدر . بر زمانلر بعضی انسانلرکده دیگر انسانلر اوزرنده تملک ایتمک حق واردی . بوکون یالکیز اشیا اوزرنده تصرف حق قالمشدر . دیگر دلیل تاریخنده سربستی و صیت حقنک زمان زمان آزچوق شدتلی تحدیداته تابع اولمش بولندیغیدر؛ بناءً علیه حق ملکیت، حسن استعمال و سوء استعمال حقنی متضمن عندی و کیفی برحق اوله مز؛ ملکیت مطلق دکل نسیدر .

ایشته نسبت فکری ، سن سیمونیه نلرده بویله جه تظاهری ایدر . بوندن پراتیک نتایج حیقارمق خصوصنده تأخر واقع اولیه جقدر : مادام که ملکیت حق برچوق دفعه لر تعدیل و تبدیل ایدلمشدر، نهدن یکی تحولاته تابع طوتولاماسون ؟ بو فکر (ژوره س Jaurès) ک (سوسیالیست تتبعاتی) اسمنده کی اثرنده یوروتدیکی فکرک عینیدر : زمانلرده ملکیت هرکون کیتدکجه متزاید اوله ررق برطاقم تحدیدات و قیوداته تابع طوتولدیغی ده کورولم یورمی؟ حتی ژوره سدن اول بيله آلمان سوسیالیستلری « ملکیت خصوصیه مقولات تاریخیه Categories historiques دن بریدر » دیدکاری زمان سن سیمونیه نلرک عقیده سنی کندیلرینه مال ایتمش اولمقدن باشقه برشی یایمیش دکلاردی .

خلاصه ناظم برئه ندوستریالیسم و بانی برقولکتیویسم : سن سیمون مسلکینک خطوط اساسیه سی بوا یکی نقطه در .

بو تمایلاتدن معاصر فرانسه ده نه بقایا قالمشدر ؟

تنسیق و تنظیم ایدلمش برئه ندوستریالیسم : فرانسه بو وادیده هر نه قدر بعض قومشولری طرفندن کریده براقیلمشده ده بونک معاصر فرانسه ده ینه مهم بر تأثیری واردر ! صنایعک تنسیقی تعبیری ایله ارباب صنایع آراسنده مواد ابتدائیه تدارکی ، تجاری مخرجلر تأمین ، فیئات سویه سنک تثبیتی کی خصوصات ایچون عقد ایدیلن ائتلافلر قصد ایدلمکده در . بوا ائتلافلرله رقابت تحدید ایدلمش اولور . فقط بو وادیده دیگر ملتلرک بزدن ایلری کیتدیکی محققدر . استیفس ، راتناو کی آلمان صنایع رؤسای بوسیسته می تطبیق ایتمشله در . بیلیرسکیز که صوک زمانلرده عمودی و افقی تنسیقدن چوق بحث اولمشدر . متشابه صنایعک

یکدیگر بہ اتحادی حائزہ عمودی تنسيق، یکدیگر کے استحصالی اکال ایدن، یردن مواد ابتدائہ اخراج ایلہین ویا اتمام ایدیلہ جک مستحصلاتہ ایلک بر شکل ویرن صنایعک یکدیگر بہ اتحادندہ ، افقی تنسيق تعبیری قوللائیلیر .

تنسيقک بو نوعلرندہ المائلر استاد طائمشلردر . لکن بو، فرانسهک بو ایشدہ فردیتچیلک individualisme وادیسندہ ایلری کیدہ مدیکی معناسنی تضمن ایتمز . فرانسه دہہ تنسيق خصوصندہ بر غیرت موجود اولمشدر . بورادہ اصل شایان دقت اولان کیفیت مائشاندہ بو حرکتک سن سیمون مسدکندن الهام آلمش اولدیغدر .

سن سیمونیہلر بیوک قنائلرحفر؛ رایلرفرش و بانقلر تأسیس ایتمشلردر . ملکی اعتباری احداث ایدن ، صنایع ایلہ بانقلر آراسندہ کی مناسبتی دہا صیقلاشدیران اولردر ؛ بو اعتبار ایلہ صنایعک تنسيقی احضار ایدنلر دہ کندیلری اولمشدر . لکن دوغروسنی سویله مک لازم کلیر سہ اکثر وارثلری بوندن بی خبردر . بونلر بیامکسزین سن سیمون مسالکنہ اتباع حرکت ایتمشلردر .

حربدن بری صنایعز کیتدکجہ دہا واسع مقیاسدہ تنسيق ایدلک یولنی طوتمش ، سہ ندیقہ اوطلہلری تشکل ایتمش بو اوطلہلر آراسندہ برلکلر وجودہ کلشدر . مثلاً انشا آتدہ بالجمہ شعبات صنایع بربرینہ مربوطدر و بو ایشہ حصر موجودیت ایتمش اولان بتون صنعتلر آرارندہ بر اتحاد عقدی طریقنی بولمشلردر . معدن اعمالاتخانہلری دہ بویلدہدر . (دمیرخانہلر قومیتہ سی) معاصر فرانسهک بیوک قوتلرندن بریدر و اعمالات معدنیہ نامندہ کی واسع سندیقہیہ تابعدر . قوتلری مزج و ترکیب ایتمہنی بیلہن صنعتلر آراسندہ بونک فوقندہ اولہرق بین المسالک بر طاقم برلکلر دہا تشکل ایتمشدر . فرانسر ارباب صنایع و تجارتی ، بو صوک سنہلردہ ، بر پاترونلر اتحاد عمومیسی دہ وجودہ کتیر مکہ موفق اولمشلردر . قبضہ جہ C. G. P. دینمکدہ اولان بو « پاترونلر عمومی قونفہدراسیونی Confédération Générale des patrons »، تلخیصاً C. G. T. دینیلن « سعی عمومی قونفہدراسیونی Confédération Générale du Travail » نہ مقابل بر جمعیت کی عداولونمقدہدر . برده اسمی صوک انتخاباتدہ پک چوق کردلر کچمش اولان « منافع اقتصادی برلکی Union des intérêts Economiques » وارددر . بوبرلک مختلف تجاری و صناعی زمرہلرک منافع مشترکہ سنی مدافعہ ایچون سیاست ساحہ سنہ دہا آشکار بر صورتدہ کیرمکدہ ، طوغرودن طوغروہ پارلمنتو اوزرینہ اجرای تاثیر ایتمکہ چالیشمقدہدر .

ذیلک اولیور کہ فرانسدہدہ صناعی تنسیقات حقندہ بیوک بر جہد و غیرت وارد ر . بونکہ ایلک دفعہ سن سیمونک چیزدیکی وادیدہ یورونلش اولیور . بو صورتلہ تعضو ایتمش اولان صنایع طرفدارلرینک سن سیمونیہ نلرک ایکنجی فکرینی ، مداخلہ دولتک ترایدینی موجب اولان قوللکتویست تمایلاتی ، ہر نقطہ نظر دن حسن صورتلہ تلقی ایدہ . جکلری قولایلقلہ قبول ایدیلہ مز . لکن بو مطالعات ایچندہ ، دولتہ و دوات اصوللرینہ تعلق ایدن بعضی فکرلر واردر کہ فرانسز ارباب صناعتی بونلری کمال خواہشلہ قبول ایتمکہ تمایلدرلر ؛ سن سیمونیہ نلرک ادارہ دولتدہ تہکنیق صلاحیتلر حقندہ کی ترجیحلری ارباب صنایعک غایت خوشنہ کیدہ بیلہ جکی ایچون مسلکی اختصاص اساسنہ مستند پارلمنتولرہ ، حتی بعضی دفعہ دینیلدیکی وجہلہ (نٹا ژنہرو (Etats Gèneraux) لرک تہیرا احیاسنہ ، تمایل قوتلیدر .

صنایع اربابی طرفندن صحابت ایدیلن و سن سیمونیہ نلر دن قالمہ اسکی (مستحصل Producteur) عنوانی طاشیان بر مجموعہ ، پارلمانتاریسم حقندہ ہیچدہ التفاتکار طاورانما . مقدمہ در . بو مجموعہدہ مبعوثان مجلسلری برر عقائد موزہ سی دیہ تلقی ایدلمکدہ و مسالک سیاسیہ بحثلری یرینہ پتول ویا کومزرمسئلہلری کبی اک پراتیک مسائل اقامہ اولونمقدہ در . لکن بو نقطہلر دن صوکرہ تلقیات تماماً دیکشیر : حکومت ، مثالتوتون انحصاری کبی ، بعضی صنایعک ادارہ سنی کندی عہدہ سنہ آلدینی زمان و یا خود سیاست اجتماعیہ وساعات مساعینک تحدیدی ، تقاعد مجبوری کبی عملہ قانونلری سیاستی انکشاف ایتمکہ باشلادینی وقت ، صنایع بونلری ہیچدہ حسن صورتلہ قارشولامقدمہ در . بالعکس ارباب صنایع اکثر یا دوات انحصارلرینہ قارشو ، چوق کرہ غایتی بر صورتدہ ادارہ ایدیلن ، بر مجاہدہ قیوسی آچقدہ و کوندن کونہ موقع قازانان اجتماعی سیاستدن و عملہ حقندہ قبول ایدیلن قانونلر دن متاثر کورونمکدہ درلر . بو بالجملہ پاٹرونلرک ساعات مساعینک تحدیدندن و سائرہ دن قورقاسندن متولد دکلدر . لکن پرنسپ اعتباریلہ دولتک بومسائلہ قاریشمانی ایستہ مہ مکدہ ، حکومتک کندیلرینی عملہلریلہ دوغرو دن دوغریہ آکلاشماہ برافسنی ارزو ایتمکدہ درلر . باشقہ جہ عملہنک مقدراتنی اصلاح ایچون بیوک مؤسسات صناعیہنک کندیلکندن وجودہ کتیردیکی معاونت خیریہ ترتیباتنہ استناد ایتمکدہ کندیلرنجہ کافی کورونمکدہ در .

اخیراً تصدیق ایدلش اولان بر اجتماعی سیغورطہلر لایحہ سی ، دمیرخانہلر جمعیتی

قوميتەنسك پك بيوك اعتراض و مقاومتلرينه معروض قالمشدر . قوميتە بو پروژەنك
فرانسىز ملتەنك مزاجنە مغاير اولديغى بيان ايتىمكده و فرانسه دە ملتەنك اپچىندن چىقوب دها
يوكسك موقعلەر ارتقا ايدىلر ك چوق اولديغى و خلقك اكترىسەنك كەندى كوبەنى كەندى
كەسكى ترجىيح ايتدىكىنى سويلەمەكده در .

بوتون بو مقاومتلەر غەمما حكومت النده كى انحصارلرى ترك ايتەمش و سياست اجتماعيە دە
كىتىجە موقع قىزاقمە دە بولۇمشدر . بو ، سن سىمونيەنلر ك كورەمديكى برقوۋ فعالەدن
نشأت ايتەمكده در . بو قوت دە صناعت دە موقراسيسى ، عمالە سەندىقلرى قوتيدىر .
سن سىمونيەنلر سەندىقاليسىمى آشاغىدن دكل يوقايدىن دوشونمشلر ، عمالە سەندىقالىنى
دكل پاترون سەندىقالىنى نظردە قەلمشدر . بونلر ھەپ صنایع الەباشىلرىنى ، ذكى پاترونلرى ،
بانكىرلرى كوز اوكنەدە طومشلر و بركون كلوبدە عملەنك كەندى قوتى ادراك ايدە جەكنى ،
كەندى كەندىسە استناد ايدە جەكنى ، جەمىتە بقیە افرايدىنى كەندى اكترىتلرىنك ارادەسى
قبولە مجبور ايتەمكە چالیشە جەقلىرىنى دوشونمەمشلردى . بويە بر كون كلديكى كى ارباب
مساعىنك دە آرەلەندە اتحاد ايدىر ك قوتلەردىن استفادە ايدە جەكلرى و اقتدارلرىنى جەمىت
اوزەندە حس ايتدىر مەكە چالیشە جەقلىرى غایت طبعيدىر .

موازنە اپچون بويە مقابل قوتە احتياج واردر . حالبوكة سن سىمونيەنلر بو قوتى
كشف ايدەمەمشلردى . بو كەندىلەرنە دە موقراسى ذوقنك اكسىك اولديغى
كوستىر . ملتەنك كەندى ايشلرىنى كەندىسى ياپەيەلە جەكنە قائل دكلردى . ايشتە بوندن
دولايى فرانسنەنك حال اجتماعيسى حقندە دها حىيج ، دها تام برتابلو چيزە بىلمەك اپچون
سن سىمونەنلر كى اوکا معاكس راستقامت آماش اولان دىكر برمسالەكە اتمام ايتەك
مجبورىتنى حس ايدىيورم كە بۇدە پرودونك مساكيدىر وبو مسئلە كلە جك قونفرانسىزك
موضوعنى تشكىل ايدە جەكدىر .

سەندىقاليسىم و پرودونيسىم

بوكون پرودونك مساكەندىن و عمالە سەندىقە حرەكتەندىن بىخا ايدە جەكم . كچن قونفرانسىمە
سن سىمونيەنلر ك سوسىيالىست و قولاكىتيويست اولدقلىرى دلە دە موقرات اولدقلىرىنى

سویں شدم . دہموقراسی ذوق کنندہ نرندہ نقصاندى؛ صنایع الہ باشیری ویوکسك قابلیتہر واسطہ سیلہ یوقاریدن تنسیقك فائده سنہ قائل اولدقلری حالہ عملہ وارباب مساعینك ، طوغرودن طوغرویہ خلق کتلہ سنك، اہتماماتیلہ اشاعیدن کلہ جك اولان تنسیقك فائده لی وحتی ممکن اولدیغنه اینانامامقدہ ایدیلر . خلاصہ پاترونلق سندیقالیسمندن چوق شی بکلہ دکلری حالہ عملہ سندیقالیسمندنك پك آز شی امید ایتمکدہ ایدیلر .

سن سیمونیہن لغتندہ صنعت دہموقراسیہی فکری یوقدر . لکن پروودونك لغتتك اساسلی برمادہ سیدر . وذاتاً بوجملہ یی دہ اورتہ یہ آتان پروودوندر . ایشته زمانمژك سندیقالیسیم دینیلن بویوك قوتتك انکشافاتی، بیکلر جہ وبیکلر جہ عملہ نك (سعی عمومی قونفہدہ راسیونی) C.G.T. دینیلن بیوك جمعیت حالندہ اتحدی کیفیتنی بوندن دولای پروودونك افکارینہ ربط ایتمک ایستہرم .

لکن اولاشوراسنی سویلہ مک مجبوریتندہیم! پروودونك افکاری پك معضل، پك قاریشقدرد . پروودونك یالکز ومنحصراً سہندیقالیسیم ایلہ مشغول اولدیغنی ظن ایتہ ملیسکیز . پروودونك ہیکلینك اورتہ سنہ دیکیلیمش اولدیغنی میدان یالکز برجادہ نك دکل ، دائراً ماداردها پك چوق شہراہلرک مبدأیدر . پروودون قدر متنوع افکارہ مالک متفکر پك آزدر .

صوک زمانندہ فرانسدہدہ، پروودون فرانسزلر نظرندہ عادتادیرلمش، نوعما پروودونہ عودت فیکرلری باش کوسترمشدرد . مؤلفك اٹاری یکیدن طبع اولونمقدہدر . بناء علیہ پروودونك بعث بعدالموتندن بحث ایتمک جائزد . لکن شوراسی نظردقہ الخلدیرکہ انظارمن اوکندہ دیریلن بر پروودون دکل متعدد پروودونلردر . عقائدی یکدیکرنندن پك فرقلی فرقہلر پروودونہ انتساب ادعا ایتمکدہدر . بوصورتلہ پروودونہ استناد ایتمک ایستہین اوج جمعیت واردرد . اینانمازکی کورولمکلہ برابر بونلرک بریسی دہ کنندیسنی قرالیت طرفدارى عد ایدن برفرقہدر .

بویکیفیت پروودونك افکارینك نہ قدر داللی بوداقلی اولدیغتك، دالرینك نہ قدر مختلف استقامتلرہ توجه ایتدیکنك بردلیلیدر . پروودونك اثرندہ کی تنوع افکار برچوق تفسیراتہ مساعددر . بونك درجہ سنی اکلایق ایچون برچوق کیمسہلرک یاپدیغنی کی شوسوالی کنندی کنندیمزہ صورملی یز : پروودون سوسیالیستیدر ، دکلیدر؟ ملکیت خصوصیه طرفداریمیدر، یوقسہ قولاکتیویستیدر؟ کنندیسنك ملکیت خصوصیه علیہدار اولدیغنی اکثریاقبول ایدیلیمکدہ

و حتی ۱۸۴۰ ده اثر لرنده یازدینی مشهور « ملکیت سرقتدر » جمله سی مقام استشهادده ایراد ایدلمکدهدر.

بناء علیه نفی ملکیت خصوصنده پرودون سن سیمونلردن دها ایلری کیتمشدر . سن سیمونیه نلر ملکیتک تشکلی تاریخنک جریاننه ترک ایتمکده ، دائماً متحول برشی اولدیفنی ، اکثریا دیکشدیکنی و تکرار دیکشمکه مساعد اولدیفنی قبول ایتمکده ایدیلر . پرودونه کوره ایسه ملکیت خصوصیه « غیر مشروع » و « امکانسز » برشیدر . هر صاحب ملک دائماً مشترک بر قوتک محصولی اولان بر روتدن استفاده ایتمکدهدر . حالبوکه مشترک بر قوتک محصولی اولدیفنی ایچون بتون جمعیتک بوندن استفاده ایتک حق اولوق لازمدی . بونقطه نظر دن پرودون سوسیالیستدر و قارل مارقسک بوبابده کندیسنه توجیه ایتدیکی تقدیرات هیچ ده یرسز دکلددر .

قارل مارقس ۱۸۴۳ - ۱۸۴۴ ده ، افکارینک ایلک تشکل ایتمکده اولدیفنی دوره ده ، پارسه ، کندی تعبیر نهجه ، اختلال درسلری آلمقه کلدیکی زمان ، الکیزاده تقدیراتی جلب ایدن آدم پرودوندی . قارل مارقس پرودونک « ملکیت نه در *Qu'est ce que la propriété* ؟ » اثرینی انقلاب کیر رجالندن *Siéyès* ک « تیه رس نه تانه در *Qu'est-ce que le tiers état* ؟ » اثرینه قیاس ایتدیکی زمان بو کتاب سایه سنده عمله صنفک « معرفت نفس » قابلیتنی احراز ایتدیکنی سوبله مشدی . قارل مارقسک اغزندن چیقان بو جمله بیوک برنشا نه تقدیر ایدی بناء علیه پرودونی سوسیالیسمک مبشرلردن بری دیه تلقی ایتک اقتضا ایدر .

لکن پرودونک سوسیالیست اولمقه برابر قومونست اولمادیفنی در عقب بورایه علاوه ایتک ایجاب ایدر . بالعکس کندیس قومنستلر علیهنده غایت شدید داورانه مقدمه در . پرودونه کوره قومونستلک دولت قوتنه استناد ایتکسزین تحقق ایده بیله جک برشی دکلددر . بویه براستناد ایسه فائده دن زیاده تهلککبی موجب بر کیفیدر . ۱۸۴۸ اختلالی قوبدیفنی زمان لوئی بلان *Louis Blanc* ایشسز عمله یه ایش تدارکی ایچون ملی اعمالا تخانه لرینی آچدیردیفنی وقت ، ره عزمنده تصادف ایتدیکی القوتلی مخالف پرودون اولمشدی . پرودونه کوره دولتک خیر ایچون اوقدر بیوک بر اقتدار ی قدر . یعنی پرودون دولتجیلکه امنیت ایده مدیکی ایچون قومونست تشکیلاتنه قارشیده اعتماد سزلوق کومستر مکدهدر .

بوندن ماعدا قومونست عنعناتنده کندیسنک خوشنه کیتیمه جک دها بعض شیلرده واردی . بوده دائماً جبر و شـدته مراجعت کیفیتی ایدی . پرودون ییقوب کچیجی

دکلی ، صارصیتلرہ اصلا طرفدار اولامشدی ، دنیاںک بلاطوفانلری ایله قورتولاجغنه قناعتی یوقدی .

بناءعلیه مارقسک بوکونکی قلاسیک سوسیالیسمی ایله پرودونک سوسیالیسمی آراسنده بویوک برفرق اولدیغی کورولیور . پرودونک صوک کتابلرینه ، مثلاً « ملکیت نظریه سی » اسمنده کی اثرینه مراجعت ایده جک اولورساق بویکیکی آراسنده ده شایان دقت تضادلرده تصادف ایدرز . ملکیت حقنده کی بو ائرده پرودون کوچک املاکه صاحب فضلہ مقدارده کویلونک کندی اراضیسی ایشلمه سی و او سایه ده عائله سی کچندیرمه سی برمعجزه عدایدیله جک قدر مکمل سیاست اقتصادی اولدیغی افهام اتمکده در . بصورتله پرودون چیفتجیلردن مرکب بر جمعیتدن اینی بر جمعیت اوله میه جغنی اورته یه قومش اولویوردی . مبدأده ملکیتی هیچه ایندیرمک ایسته یں پرودون بودفعه ملکیتک مدافعی کیلیوردی . بو پرودون ، کویده یاشامش ، مطبعه جی اولمازدن اول اوکوز چوبانلغی ایتش اولان کویلو پرودوندر . صبانک چیزدیکی یولی تعقیب ایده رکنا کمکی آلنک تريله قازانان کویلو ایچون پرودونک قلمبده بویوک بر شفقت اثری قالمشدر .

بو ، کندیسنده هیچ بر سوسیالیستلک اثری قالماسیمی دیمکدر ؟ هیچده دکل . شمیدی قولایلقله ایندی کمز بوسطح مائی تکرار طیرمانه حق اولورساق پرودونک قومونیس اولماقله ، قولاکتیویست اولماقله ، شدت طرفدار ی بولونماقله ، برابرتنسیقات اجتماعیه نك اساسی بر استحاله یه تابع طوتولماسنه طرفدار اولدیغی کورمکده مشکلات چکیمه جکیز . بواسطه حالیه ی پرودون مبادله یی تنظیم ایدن مؤسسات واسطه سیله حصوله کتیرمه کچالیشه جقدر . پرودونک سوسیالیسمه برمبادله سوسیالیسمی دینیله بیلیر .

پرودونه کورماکر بر خلق بانقه سی تأسیس ایدیله بیلیر سه جمعیتی تحت اضطرابنده طوتان بالمله خسته لقره دوا بولمش اولور . اونک ایسته دیکی اجتماعی مسئله یه بانقه واسطه سیله بر صورت حل بولمقدر . ۱۸۴۸ ده بر کون مجلس مبعوثان قوریدورلرنده ویقتور هوغو یه تصادف ایتش و شاعر کندیسنه نه اولدیغی صور دینی زمان پرودون « بن بر مالیه جیم » جوابی ویرمشدی . طابع اولدقدن صوکره اوزون مدت محاسب اولمش ایدی . قلاسیق برحق علم اقتصاد کتابلرینی اوقومش ، تکرار اوقومش ، جمعیتک دوچار اولدیغی مشکلاته مالی بر صورت حل آرامشدی . پرودون بر خلق بانقه سی سایه سنده مجانی قره دی و طرفین ایچین مساوی بر مبادله تأمین اولنه بیله چکنه قانع ایدی . بوسایه ده ایشجی زمره لری متقابلاً

یکدیگریہ اعتبار آچا جقلر ، مبادلہ منصفانہ بر معاملہ اولہ جق و نتیجہ دہ خلقک وضعیتی فوق العادہ بر صورتہ اصلاح ایدلمش اولاجقدی .

پرودون یالکزر برکویلوو محاسب دکلدز . کندیسنک تام معناسیلہ بر خلق آدمی ، محرومین صنفک دعواستہ دل صداقتہ مربوط بر خلقجی Plébeien اولدیغی تخطر ایتمک لازمدر . پرودون خلقک تنسیق ایدلمش بر قوتلہ مداخلہ سی اولقمسزین دنیایی قورتارمق ممکن اولامیہ جفنه قانع بر آدمدی . یوحس کندیسندہ پک کوکاشمشدی ؛ کندیسنک خلق ایچندہ دو غمش اولمسی بونی ایضاحہ کافیدر . ابونی (بہ زانسون) ک فقیر برعائلہ سنہ منسوبدی . تحصیلانی بیتیرمک ایچون چوق زحمت چکمش ، مکتبہ دوام ایچون حکومتک معاونت نقدیہ سی تأمینہ چالیشمش وسی و سفالت آرقداشلیغی اصلاً ترک ایتیمہ جکنہ دائر یمین ایتمشدی . عملہ صنفی تاریخک بیوک دیلسزیدر . آرزولرغی اکثریا آنجق کندیسندن باشقہ بر صنفہ منسوب اولان ترجانلر ، متوسطلر واسطہ سیلہ آکلاتہ بیلیر ؛ پرودون ایسہ کندندن بحث ایدن و کندیسنی ایچون چالیشان برایشجیدر و دائماً ایلککرینہ قدر خلقجی قالمشدر .

پرودون عملہ لک کندی دعوالرینک مدافعہ سنی کندی اللرینہ آلا جقلری کونک طلوعنی بکلمکدہ ایدی . بوندن دولاییدرکہ تصور ایتدیکی مالی صورت حاکم آرقہ سندہ کندیسنہ تماماً ضروری کورونن دیگر بر اصول واردی کہ بوندہ سندیقالبسم اصولیدی . ایکی طرف ایچون مساوی بر مبادلہ اصولی تأسیس ایدہ بیامک ، مجانی قرہدی اصولی تأمین موفقیّت ایلہمک ایچون سعیک شعورلی اولمسی ، ارباب سعیک آرالرنده آکلاشہ بیلہ جک زمرد لرتشکیل ایتسی ، کندیلرینہ خاص و کندی مختاریت لرغی محافظہ ایدہ بیلہ جک قابلیتده بر طاقم اصول وافکارہ تبعیت ایلہملری ضروری ایدی .

پرودون بودرسنی غایت صریح بر صورتہ اجمال ایدلمش اولدیغی حالده «صنفلرک سیاسی قابلیت لری Capacité Politique des Classes» اسمندہ کی اثرندہ ویرمشدر . بو کتاب وفاتندن سوکرہ نشر ایدلمش اولوب یقینده فرانسه دہ (ماقسیم لوروا) طرفندن تکرار طبع ایدیلہ جکدر .

بواثرک سبب تحریری شودر : ۱۸۶۲ تاریخندہ (آلتشار بیاننامہ سی manifeste des soixante) نامیلہ ۶۰ عملہ طرفندن امضالی بر بیاننامہ انتشار ایتشدی . بو بیاننامہ یی امضا ایدن عملہ ، حتی ایمپراطورلغی اسقاط ایچون اواسون ، پورژوالرلہ اتحاد ایتک ، اونلرلہ

برخور اولقندن بیقدقلرینی سویله یورلردی . بو بیاننامہ یه مخالفلر بیوک برزالت سیاسیہ شکلی ویرمشلردی .

فی الحقیقه بوتاریخه قدر دائماعمله کندیلرینه قوت کتیره بیله جک اولانلرله مساعیلرینی برلشدیرمک ، جمهوریتی بورژوالره تقرب ایتک یوللرینی آرامشلردی . ایشته بو بیاننامہ ایله ایلمک دفعه اوله رق بعضی عمله ، بورژوالرله عینی برکتله تشکیل ایتک فکرینه قارشى مخالفت ایتیش اولیورلردی . آرتق عمله کندی مملرینه مالک اولمق ، کندی عقیده لری وکندی تعبیه لرینه تبعیت ایتک فکرینی تعقیب ایتک ایسته یورلردی . ایشته بر چوقلری طرفندن کمال نفرتله قارشولانان بو آلتشلر بیاننامہ سی پرودون طرفندن بیوک بر منت و شکران حسلریله سلاملا نمشدر . پرودون برمکتوب یازمغه قوبولاش ، برمکتوب عمله صنفک مخالفته کچرک کندیسنی کوسترمکه حق اولدیغنی مدافعه ایدر بر اثر شکلی آمشدر . پرودونه کوره ، بوصنفک کندیسنه خاص اولان وبوکونکی حالی دکیشدیره بیله جک اولان افکاری اورته یه قویمسی لازمدر . بوفکرک کندی فکريله تطابق ایده جکی وعمله واسطه سیله کندی فکرنده بوقدر یر ایتیش اولان مساوی مبادلہ ومجانی قره دی کیفیتک تحقق ایده جکی امیدنده در .

بوتون بو ایضاحات پرودونک برنجی فکرینک متممی نه اولدیغنی کوسترمکده اولدیغنی کی ، قومونیسمه علیهدار وملکیت زراعیه طرفداری پرودونیه نلرک تمایلاتی ده ایضاحه کافیدر . پرودون بوندن باشقه مبادلہ وقره دینک زراعی وصناعی برلکلر واسطه سیله اصلاحی ده ایسته مکده در . کوچوک عمله زمره لری ، آرالنده مقاولات عقد ایدره ک برزلیله باغلا نمالیدرلر . ایشته دنیایی قورتاره جق اولان بودر .

بونقطه لرک ایضاحندن صوکره پرودونک زمانمز عمله حرکتی اوزرینه نصل بر تاثیر اجزا ایتدیکنی تشریح ایتک صیره سی کلشدر .

فرانسه ده پرودونک نفوذی بوکون عمومیتله ظن ایدلایکندن چوق فضله در . کرچه پرودوندن صوکره قارل مارقس رقیبنک شهرتی خسوفه اوغرا تمشدر . لکن بین الملل عمله حرکتی تاریخنده پرودونک ده حاکم اولدیغنی بردوره اولمشدر :

بین الملل عمله حرکتک مبدای ۱۸۶۲ تاریخلیدر . بوتاریخنده لوندرده برسرکی کشاد ایدلمش واورایه برفرانسز عمله هیئت کوندرلمشدی . عمله بوسر کیده بر متینغ عقد ایتمشلردی . ۱۸۶۵ ده جنوره ده ، ۱۸۶۷ ده لوزانده ، ۱۸۶۹ ده بروکسلده بررقونفره عقد ایدلمشدی .

بو ایلک اجتماعلرده حاکم اولان پرودونک افکاری ایدی . فرانسز خطیبار طرفندن بو اجتماعده ایراد اولنان نظقلری اوقورسهق ، جمعیات متقابله ، مساوی مبادلہ ، تعاون شرکتلری ، متفکر صنفک عمله حرکتنه قاریشمسک منعی کبی پرودونک افکار و تعبیراتی بونطقلرده عیناً بولورز . بتون بونلر پرودونیسیم در . لکن آاز زمان صوکره بوتون بو فکرلر برکولکه آلتنده قالدجقدر . بوده یکی بر ییلدیزک دوغماسندن دولاییدر . قارل مارقس کندی عقیده سنی نشر و تعمیم ایدہ جک اولان فرقه یی تشکیل ایتکه بو دورده . چالیشمشدر . مارقس یالکز بیوک برعقیده جی دکادی ، عینی زمانده بیوک بر تعبیه جی ایدی . اولا پرودونی اتہام ایتکه ایشہ باشلامش ، اونک نفوذنی سیلمکی بروظیفہ بیلیمشدر . مارقس اوکجه پرودونه قارشی غایت آغیر اولان « کوچوک بورژوا » عنوانی فی رلامش ، پرودونی نظرلردن دوشورمکه موفق اولمش واوندن صوکره اون سنہ مدت بین الملل عمله حرکتی (مارقسیم) ک آلتندہ قالمشدر . بو تاریخدن صوکره مارقس وئہ نکہ لسلک Engels قومونست بیاننامہ سی دنیایی دور ایتشدر .

مارقسک موفقیتی اوزون مدت اک تام بر شکلده ایدی . لکن بو ییلدیزک ده افول دوری کلشدر . بر چوق مملکتلرده باشقه استقامتلره توجیه نظر ایدلمکده در . ایشته بوندن دولایی صوک زمانده ینہ پرودونک افکاری اورتیه چیقمشدر . پرودونک اثری جمعیتک محوری دیکشدریمک افکارنده اولانلره غایت فائده لی تلقینات ویرہ بیلہ جک ماهیتده در . فرانسه ده پرودونیسیم حال حاضرده بر انتقام دورہ سنہ کیرمش اولیور . پرودونک اثرینی تکرار میدانہ چیقاران عملہ سندیقالیسمدر . فرانسه ده سوسالیست پارتیسی اوزون مدت باشلیجه الهاماتی مارقسیمدن آلمش ، ژول کدک پارتیسی les Guesdistes قومونست لغتچہ سنی مارقسدن استعاره ایتشیدی ؛ بزم طلبہ اولدیغمز دورلرده ژول کدہ قارشی چیقان ژورہ سک تمایلاتی اصلاحاتی reformiste واختلاجلیره قارشی منفذ تمایلات ماهیتندہ ایدی . بیلیرسکزکه برقاچ سنہ صکره ایکی تمایل یعنی ایکی سوسالیست پارتیسی آراسنده براتحاد وقوعه کلشدر . ایشته اوزماندنبری عمله سوسالیسمندہ مارقسیت پولتیه قارشی مقاومت باشلامشدر .

عملہ سندیقالیسم حرکتی « کدیم » دن آیرمغه اشتراک ایتش اولان کیمسہ لر آراسنده ایلک صفده « فرنان پهلوتیه Fernand Pelloutier » یی ذکر ایتک لازمدر . ہوزات ماقسیت تحکمندن فورتلق لازم کله جکنہ قانع اولہرق کدیستلرک ایستہ دکلری کبی ،

اقتصادی سیستم تبدیل حقدہ مقتضی قانونی وجودہ کترمک اوزرہ قانون اعمال تخاصی اوزرینہ وضع ید ایتھنک کفایت ایتھجکئی آکلامش ، اجتماعی غایہ وصول ایچون مساعی بورسہلری تشکیلہ وبونلرک آرالرنده اتحادلر عقیدہ چالیشمشدر . مساعی بورسہلری Bourses de Travail برنوع قلعہدرکہ بورادہ عملہ کندیسئی کندی اوندہ حس ایدر .

۱۹۰۶ دە (آمین) دە قبول ایدیلن وعملہ سندیقالیسمنک بیاننامہسی ماہیتندہ اولان مشہور برقراریدہ سعی عمومی قونفہدہ راسیوننک C. G. T. زمرہ و فرقہ تفریق ایدلمکسزین ، بالجلہ شعورلی عملہی جمع ایتھسی لازم کلہجکی قبول ایدلمشدر . عملہ زمرہلرینک سیاسی زمرہلرلہ قاریشمہسی آرزو اولونموردی . برکہ سندیقہلر حالندہ اتحاد ایتدکن صوکرہ عملہ کندی فکرلرینی تطبیقہ چالیشدجق ، یعنی عملہ صنفنک مشترک ارادہ سنک حاکم اولماسئی اساسئی تعقیب ایدہجکدی .

ایشتہ فرانسر سندیقالیستلرینک حال حاضرده کی وضعیتئی ایضاح ایدن بوخصوصیتدر . هرکسک معلومی اولدینی وجہلہ بونلرک برچوغی موسقووانک سیاسی قانونی قبول ایتمکن متنفر بولمقدہ ، کندی خصوصیتلرینی ، استقلاللرینی محافظہ ایتک عزمنی کوسترمکدہدرلر . پرنسپلرینک ایلک مادہسی کندیلرینک سیاستہ قارئی عدم اعتماد بسلہ دکارینی کوسترمکدہدر . جمعیتی اصلاح ایچون قانون اعمال تخاصی الہ ایتھنک کافی اولمادیغنه قاعدلر . دولت انحصارینہ مصرأ طرفدار اولملرینک سببی بو « ملیاشدیرلہ » لرک عینی زماندہ « صناعیشمہ » یی تضمن ایتھسندندر . اصول استحصال صناعیشدیرلمک ایچون یالکز توتون وسائر برقاچ مادہنک دکل دیگر بعض صنایعکدہ دولتک یدینہ ویرلہسنہ طرفداردرلر . ملت مجلسلرنده رأیلرینی اکثریت مائلرینہ ، صنعت آدملرینہ ، فقط بوندن اول عملہیہ ، اقتصادی بر مجلس حالندہ برلشہجک اولان مستحصل مائلرینہ ویرمک لزومنه قاعدلر . بویلہجہ سعی حکم ونفوذینی اجرا ایتھس اولاجق ، حکومت یرینہ اعمال تخاصہ قائم اولمش بولنہجقدر . ۱۹۱۸ تاریخندہ لیون قونفرہ سندہ استعمال ایدیلن برچوق جملہلر کبی ، صریحاً پرودونہ عائدتی بللی اولان برچوق تعبیرلر فرانسر سندیقہلیس ایدہرلرینک عملہ صنفنک قابلیت سیاسیہ حقندہ پرودونک فکرلرینہ نہ قدر مشبہ ع اولدیغنی کوسترمکدہدر . بویلہ تمامیلہ شخصی بر خاطرہ قبیلندن اولق اوزرہ سزہ بردلیل دہا ایراد ایتک ایسترم . ایکی سنہ اولیورکہ سعی عمومی قونفہدہ راسیونی کاتب عمومہیسی لہئون ژوہودن عملہ سندیقالیست حرکتی حقندہ یازلمش کوچک برائر آلمشدم بواثرده مقام اتحادہ شو جملہ یازیلی ایدی .

« پرودون حقایق یولنده یورون بوغله یولداشه » بوجله ایله « ژوهو » بویولی کنديسنك بزدن اینی طانیدیغنی وینی ایلك مرحله ده بکله دیکنی سویله مک ایستوردی . فی الحقیقه بکله ده سزده « ژوهو » نك حقلى اولدیغنی و (C. G. T.) نك پرودونك فکرلرندن بعض شیلره مالک بولادیغنی تسلیم ایدرسکیز . « ژلفک فکرى عمله سندیقالیسمنه طوغرو توجه ایتمکده در و طاعنیک اولسنه ، قاریشیک بولونماسه رغماً اساسده پک دوغریدر . پرودونك فکرینك شکلری اودرجه متنوعدرکه اکثریا آرالرنده تصادم ایدن بربرینه مخالف فکرلر کی کورونور . لکن حاکم اولان و بالنهايه هپسی اوزرنده اجرای نفوذ ایدن پرودون ، نهایت سندیقالیست پرودوندر .

۴

قوت پراتیفجیلک و « فوریه » نك فکرلى

ایشته اجتماعی مسئله نك فرانسز جبهه سندن کورونشی حقنده کی برنجی سهری قونفرانسلرک صوکنجیسنه کلدیم . بوصوک قونفرانسه واصل اولدیغ زمان جرأتکارلغمک درجه سنی آکلادم . فرانسه ده کی اجتماعی مسئله نی درت قونفرانسه اجمال ایتمک ایسته مکله نه قدر باشارماسی کوچ برایشه کیریشدیکمی ادراک ایتدم . سزه « سهن سیمون » دن ، « پرودون » دن بحث ایتدم . بوکونده « فوریه » دن بحث ایدم جکم . دائماً حرکتده اولان برکتله ازرنیه بویله اوج ضیا حزمه سی سوق ایتمک غیرکافیدر . پروژه کتورلرک یعنی قونفرانسلرک عددینی آرتیرمق لازمدی .

لکن فرانسه نك حال حاضرده کی حرکت اجتماعی سنده فوریه ریسمک اشغال ایتدیکی موقعدن بحث ایتزدن اول ، سزه فرانسه ده اجتماعی قوتلرک تنوعی حقنده ده ا تام برفکر ویرمک ایچون ، اختلال ویا اصلاحات ، افراط ویا اعتدال کی یکدیگرینی تعدیل ایدن قوتلر حقنده بیان مطالعه ایتمک ایسترم . احوالده فوریه یه کلزدن اول ، اختلالجی قومونیسیم و اجتماعی قاتولیسیمدن ایکی کله ایله بحث ایتمک ایجاب ایدر .

اختلالجی قومونیسیم « سهن سیمون » ک أندوستریالیسمدن و پرودونك سندیقالیزمدن بوسوتون بشقه برشیدر . بو قوتی کمال تحتله اولچمک اولدقچه کوچدر . صوک انتخابنده

قومونیستر فرانسه و بالخاصه زراعی فرانسه ده، پک چوقرأی قرانیدلر. ابتدا «ژورس» طرفندن تأسیس ایدلش بولونان وسوسیالیستلکک الیویوک ناشر افکار ی اولان «اومانیته» غرنه سنک قومونیسترل انده اولدیغنی سویله مک لازمدر. بوکون قومونیسترلک تشیل ایتدکری قوتک مقداری ویایمغه مستعد اولدقلری حقنده بر فکر ایدینک کوچدر. لیکن هر حالده کنیدلرینک استناد ایتدکری قوتک اکثریا ظن ایدلدیکی وجهله منحصرأ اجنیدن کلدیکنی سویله مک مجبوریتنده یز. فرانسلردن بیله بر چوق کیمسه لر کال قناعتله: «فرانسه ده قومونیسیم، بر ادخالات اتمه سیدر، روسلرک بزه کوندردیکی برهدیه در. لیکن بونک مملکتده تاسیس ایتمه سنک امکانی یوقدر. چونکه فرانسه ده بوافکارک مستند بهی اوله جق برعنه یوقدر» فکریخی مدافعه ایدرلر. بو خطای محضدر. فرانسلر عنعناتی او قدر زنکین و او قدر متنوعدر که بونلر ایچندن قومونیسیمک استناد ایده جکی بردانه سی بولونه بیایر. بو عنعنه ده «بابوف» ک مسلکی، بابوویسم Babouvisme در. فرانسلر سوسیالیسم تاریخیچه سی کوزدن کچیریلیرکن بابوویسمی مهمسه مه مک ممکن اولماز.

«بابوف» سیاسی انقلابی، اجتماعی انقلاب ایله اتمام ایتمه ک چالیشان بر سوء قصد جیدر. فرانسلر انقلابنک فقیرلرک زنکینلره قارش ی بر محاربه سی، رومانک اسکی پله به یین (خلتجی) Plebeien نسلنک پاتریسین (آریستوقراسی) Patricien نسلنه قارش ی بر حربی اولدیغنی دایما تکرار ایدردی.

خلق کتله سنک اکثریتی ممنون ایدله دجه، یعنی اجتماعی مسئله حل اولونما دجه فرانسلر اختلالی بیتمش اولامازدی. بوکا بناء (بابوف) اجتماعی اختلالی حاضر لامقده و کندیسله شا کردلرینک موفقیله مقام اقتداری فتح ایتدکری زمان تطبیق ایده جکلری بر پلان وجوده کتیر مکده ایدی. بو پلانده اوز سکیزنجی عصرک فیلسوفلرینک فکرلرینه فرانسه انقلابنک، فرانسه نک دیگر دولتلردن متجرد براردوگاه حالنده بولندیغنی زمانده تشکل ایتش اولان، اجتماعی تجربه لری وبونلرک نتایجی مزج ایدلشدی.

بابوف یالکیز اختلال کیرده فرانسه دن مهاجرت ایدنلرک اموالنک حکومت طرفندن استملاک ایدیله جکینی اولدن کشف وتخمین ایتمه کله قالماش، بوکون وسائط استحصالیه نک میلشدیرمه سی دیدیکمز حادثه یی ده اولدن کورمشدی. بابوف سیسته منده بالجله ثروتلر مشترک اولاجق، دولت سعی تنسیق ایده جک وملکیت خصوصیه بوسبوتون ازاله ایدلش بولونه جقدی.

بابوفک بولانی ساحہ حقیقہ چچامامش و آرقداشلی توفی ایدیلرک اعدام اولونمشلردی بونکله برابر پروژملری آرقداشلرندن (بوانانستی Buonansti) اسمنده کی بری طرفندن محافظه و تعمیم وحتی ۱۸۲۸ ده نشر ایدلمشدر . بابوف طرفندن املا ایتدیراش اولان و (مساویلر اختلافی Conjuraton des Egaux) نامی آلتنده نشر اولونان بو کتاب اوزون مدت فرانسه ده اختلافیلرک دعا کتابی کی قالمشدر . بونقطه یی بالخاصه قید و اشارت ایتک لازمدر . زیرا مارقس و انکه لسک سوسیالیسم حقنده کی پلانلری چیزدکاری قومونست بیاننامه سنده بابوفدن اقتباس ایدلمش برچوق فکرلر بولمق ممکندر . کذا له نین و تروچکی قره ملین سرائی ماصه سی اوزرینه قومونست بیاننامه سی وضع ایتدکاری زمان منشائی فرانسه دن آلمش اولان برعننه اوزرینه استناد ایتش اولیورلردی . بناء علیه قومونیسمک تمامیه روسیه دن کلدیکنی ادعا ایتک دوغرو اولاماز .

بوفکر فرانسه دن کیتمش وکویا عزیمت وعودت بیلتی آلمش کی تکرار فرانسه یه عودت ایتمشدر . بالکمز فرانسه ده مخالف جهندن اجرای تأثیر ایدن دیگر عنعنه لرده موجود اولدینی ایچون قومونیسمک فرانسه ده مقاومه تصادف ایتمه سنک اسبابی قولایلقله آکلاشیله بیلیر . الک مؤثر مقاومتلر ارتجاع پارتیلری طرفندن دکل ، بلکه ده تکامل پارتیلرندن اصلاحات تدریجیه فرقه لرندن کلکده در .

فرانسه ده عمله نك مقدراتی اصلاح ایتک ایچون چالیشان برچوق زمهرلر و حزبلر موجوددر . باش اولمق شرفی ۲. درلو پایلاشه میان تمایلات حقنده تام برفکر صاحبی اولایلمک ایچون اوک صفده کلن اجتماعی قاتولیکلکدن ده ذکر ایتک لازمدر .

فرانسه ده قاتولیکلک اجتماعی مسائل ساحه سنده مستعد اولدینی انکشافه شیمدی یه قدر مظهر اولامادی . بو خصوصده برچوق مملکتلر فرانسه دن چوقایلریده بولمقده در . بو کیفیت فرانسه ده قاتولیک ذهنیتک برچوق آدملره ارتجاعه مربوط کی کورونمه سنندن دولاییدر . ۱۸۵۲ ضربه حکومتدن صکره جمهوریت موقعنک غاصبی اوچنچی ناپولیونک کلیسا طرفندن تقدیس ایدلدیکنی درخاطر ایتک لازم کایر . بو، خلقک اونو تماندینی برشیدر . وپایاس پولتیقه سنه قارشى عدم امنیت بسلنمه سنک سببی ده بودر .

لکن بو حادثه تاریخیه ایله ارتجاع آراسنده ضروری وابدی تاقی ایدیله بیله جک منطق بر رابطه یوقدر . بو کیفیت بلکه ده تاریخی برضادن عبارتدر . فرانسه ده انجیلک درسلیری آکلایان بوندن بالذات مسئله اجتماعیله اوغراشمق لزومنی چیقاران قاتولیکلرک مقداری

کیتدکجہ تزايد ایتمکده در . بونلر متعدد مجموعہلر « اجتماعی هفته Semaine Sociales » لر
 حیقار مقدمہ و بومجموعہلرده اجتماعی مسئلہلر، تفرعات و صور حلیہ اعتباریلہ مناقشہ اولونمقدہ در .
 بوصیفہلرده ، بالخاصہ عائلہ والک زیادہ عملہ عائلہ سی اجتماعیائی کمال دقتلہ تدقیق ایدلمکده ،
 مثلاً عائلہ ایچون بر اجرت ضمی یا پائاسی مسئلہ سی اجتماعی قاتولیکلری پک چوق مشغول
 ایتمکده در .

بوصورتلہ حرکت ایدن ، بو نقطہلرہ توجیہ نظر ایدہ رک اجتماعی سیاستہ بر موقع
 مخصوص تفریق ایلہ یں قاتولیکلرک اجتماعی بر عنعنہ یہ مالکیت ادعا سنده بولونمالری ده غایت
 طبیعی کورملک ایجاب ایدر .

بونلردن بالخاصہ (لوپلہ Le Play) یی ذکر ایدہ جکم (لوپلہ) اون طقوزنجی عصرک
 نصفندہ اوروپا و آمریقادہ عملہ نک معیشت شرائطی یقیندن تدقیق ایتمکہ قویولمش ، نظرندہ
 بالخاصہ جمعیتک مرکز استنادی اولان عائلہ یی کمال اصرار ایلہ مدافعہ ایتشدرد . (لوپلہ)
 انتظامی ادامہ ، ترقی یی تأمین ایچون حضرت موسایہ واقع اولان اوامر عشرہ نک
 حکم و نفوذنی احیا ایتمک لازم کلدیکنہ قانعدرد . بوپرنسپلرہ مطابق اولمق اوزرہ برمسک
 تأسس ایتمش ، بر علم اجتماعی مجموعہ سی وجودہ کتیراش ، و برچوق خصوصی تدقیقات اجرا
 ایدلشدرد . پارسده (اجتماعی موزہ) بوفکرہ صادق قلمشدر . کذا صور بونده موسیو
 (ئەسپیناس Espinas) طرفندن اشغال ایدلمش و بوکون اشغال شرفی بکا توجه ایتمش اولان
 (اقتصاد اجتماعی تاریخی) کرسی سی لوپلہ ی مکتبی منسوبلری طرفندن تأسس اولونمشدر .
 اجتماعی قاتولیکلک شایان اہمال اولمایان متمم برقوتدر . بوقوتک کیتدکجہ آرتدیغنی دائماً
 حساب ایتمک ایجاب ایدر .

قونفرانسلرمی استصغار ایدلمسی جائز اولمایان دیگر برقوتدن بحث ایتمدن بیترمک
 ایستہ مم ؛ بالعکس بوقوت اوزرندہ بر آرزفضلہ اصرار ایتمک ایسترم . بوقوت بلکہ ده فرانسدہ
 دیگرلرندن آز کورولتو یاپیور . لکن یابدیغنی ایش اونلردن آزدکلدر ؛ ساکت وساکن
 برایشجی اولان بوقوت قوئوپراتیفجیلکدر .

قوئوپراتیف شرکتلری متوسطلر طرفندن جرایدیلن خراج مقدارینک بعض وسائلہ
 تنقیصنہ چالیشمق ایچون مستهلکک قدرت اشترائیہ لر یی برلشدیرمہ لری مقصدیلہ تشکیل اولنان
 مؤسساتہ دینیر . بومؤسسہلر مستهلکک محتاج اولدقلری اشیا یی دہا اوجوز صاتون آلمنی ،

فیأثرک سویہ سنک تنزیلی، تجارہ قارشئ کنڈیلرینی مدافعہ ایتک امکانتی احضار ایدرلر۔
بواصول ایله معظم نتیج الدہ ایتک ممکندر وانکترده الدہ ایدیلن منفعتلر پک مهمدر۔
انکلیز قوئوپراتیفلری کنڈی سپارشلری ایچون اعمالاتخانہ لره مالکدرلر۔ لازم کان لوازم
ومواد غذائیہ دنیانک هر طرفندن آلوب کتیرمک ایچون تجارت بحریہ فیلولری واردر۔
قوئوپراتیف شرکتلریله علاقہ دار اولان انکلیزلرک عددی اونیدی میلیون کیشی، صاتیش
یکونی آلتی میلار فرانفدر۔ انکلیز قوئوپراتیفلری معظم برقوتدر۔

فرانسه دده بووادیده بیوک ترقیات مشهور اولمقده در۔ موسیو (برنار لاوهرغ) ک
کوچک اثرندن شوشایان دقت ارقامی استخراج ایدیورم:

شرکتلرک عددی ۱۹۱۳ ده (۳۲۶۱) اولدینی حالده ۱۹۲۰ ده (۴۵۹۱) بالغ
اولمشر۔

شرکانک عدی ۱۹۱۳ ده (۸۸۰,۷۱۰) اولدینی حالده ۱۹۲۰ ده (۲,۴۹۸,۴۴۹)
مقدارینی بولمشر۔

سنوی صاتیشک مقداری ۹۱۳ ده (۳۲۱) میلیون فرانق اولدینی حالده ۱۹۲۰ ده
(۱۸۳۸) میلیون مقدارینه چیقمشر۔

کورولبورکه یدی سنه ظرفده حصه دارلرک عددی هانده اوچ مثله چیقمش، مبیاعات
یکون عمرمییسی آلتی مثله بالغ اولمشر۔ هر شریکک برعائله اعتباریله درت کیشی
تمثیل ایتدیکی قبول ایدیلرک اولورسه استهلاک قوئوپراتیفلرینک انکشافیله فرانسه ده اون
میلون نفوسک بومؤسسات ایله علاقہ دار اولدینی تظاهر ایدر۔

بو قدرتی برکتلر؛ کنڈیسنه مخصوص برده قوئوپراتیف بانکہ سی احداث ایتمشر؛
سپارشلرینی اعمال ایدیلرک اولان اعمالاتخانہ لره مالک اولمغه باشلایور۔ لکن فرانسه ده
ساکت و ساکن بر صورتده بیومکده اولان بو قوتده بر فرانسر عنعنہ سنه ربط ایدیلر
بیلر۔ بونکده طرفدارلرینک توجیه نظر ایتدکری بر مفکوره واردر۔

استهلاک قوئوپراتیفلری مساعیسنک تام بر تماس ایله مربوط اولدینی عنعنات (شارل
فوریه) وشا کردلری طرفندن میدانہ قونمش اولان ابداعات فکریه در۔ بو فکترلری
سنزه دیکر ایکی فکری موجد حقنده یاپدیغم کی قیصه جه عرض ایتک ایسترم۔ بوضورتله
فرانسر سوسیالیسمنک اقائم ثلاثہ سنی (سن سیمون، پرودون، و فوریه) یی لایقیله
آکلامش اولاجقسکز۔

(فوریه) بر آز موازنه سی بوزوق ، عجائب بر آدمی ؛ هرکون اوکله وقتی ره دینغوتک جیندن بر شراب شیشه سنک اوجی چیقیدنی حالد (پاله رووایال) بغچه سنده دولاشدینی روایت ایدیلیر . بوراده فوریه ، اجتماعی خیالی حقیقت ساحه سنه وضع ایتک ایچون لازم کلن میلیونری کندیسنه کتیره جک اولان میلیونری بکلمکده در . فوریه بر موجودتینده یارادیلشدر . انگلیزلرک بیوک رومانجیسی مشهور (ولس wells) دن چوق زنکین بر خیله سی وار در . ذاتاً کندیمی فکرلرینی صرف کندیسنه مخصوص بر طرزده ، یکی یکی بر طاقم کله لر ایجاد و استعمالیه ، اورتیه قویتمده . درکه ایلاک مطالعه انسانک اوزرنده یاری دلی بر آم ادبیاتی حسنی براقیر . بونکه برابر بو ایلاک تأثیر ایله توقف ایدلمیلیر . شارل ژید ، اک سودیکی بو مؤلفه تخصیص ایتدیکی ضوک بر اثرنده فوریه یی اسکی بر طاقم آنتیقه هیکلره قیاس اینکده درکه بو هیکلرده قاریقاتورال بر شکل و صورت آلتنده بر آلهه چهره سی صافلی بولمقده در . بویله جه فوریه نك عجیب لغتجه سی آلتنده داهیانه بر چوق افکار کیزلی اولدینی قبول ایدیه بیلیر . بو اعتبارله فوریه دخی سوسیالیسمک بیوک بابالری میانده ادخال ایدلمک لایق در . اوده سن سیمون کبی ، پرودون کبی سوسیالیسم عقیده سنک تشکله یاردم ایتشدر . لکن نصل ؟ ایشته بوراسنی ایضاح ایده جکز :

فوریه سوسیالیسمی اثرینک تنقیدی قسمله احضار ایتکده در . بونکه مدنیت حاضریه قارشی یایدیغی غایت شدید تنقیداتی قصد ایتک ایسترم . اوندن اینی بر صورتده کیسه صنایع آنارشیسنی ایضاح ایتمه مشدر . استحصالک تصادفی بر صورتده واقع اولدیغی اولچوسر بر صورتده تربید ایدلیکنی ، استهلاکاتک و احتیاج حقیقی سنک هیچ نظر دفته آلتدیغی ، استحصال ایله استهلاک آراسنده عقلی هیچ بر نسبت تعیین ایدلمدیکنی ، اوندن اینی هیچ کیسه تنقید ایتمه مشدر . بوتون بونلردن فضلاء استحصالات Surproduction حادث اولمقده ، استحصال فضله لغندن ده بحر ازلر ، افلاس وایش سزک تولد ایتکده ، و بالهایه بتون بوشلا له سفالت زوالی خلق کتله سنک صیرته دوکولمکده در . ایشته فوریه نك صنایع آنارشیسی ایچنده کوردیکی بو ایدی . فوریه صنعت فه اودالیتیه سی اسمیه ایتدیکی کیفیت ایچون پرودوندن دها ایلری کیته مشدر . لکن اوده بالخاصه باشقه بر نقطه ده اصرار ایتشدر . فوریه تجارتده طفیلیتک بالخاصه دشمنیدر . بوکا کوستردیکی دشمنلق قدر بلکه ده صنعت آنارشیسنه دشمن اولمه مشدر . متوسط ، ایشته دشمن بودر . کوچوک

اولسون بیوک اولسون تجار، اشیانك قیمتی اوزرندن ناقابل تحمل بر خراج آلمقده و بوده بوتون ملتك اوستنه آغیر بر صورتده چوكمكده در .

فوریه بو حقیقتك كندیسنه نصل منكشف اولدیغنی بالذات آكلاتیور : بو حقیقت نظرلرنده بر الما یركن تجلی ایتشدیر . بو المایی اون درت (سو) یه كندیسنه صاتمشردی و او زمان كندی مملكتنده ، (بهزانسون) ده بونی بر (سو) دن دها اوجوزه الله ایدهبیله جكنی دوشونمشدی ؛ بو نصل اولیوردی ؛ شبهه سز بر چوق محتكر اللردن كچمك صورتیله . ایشه اصولك كوتولكي بوراده در . متوسطك آلدیغنی حصه تنزیل ایدلك لازمدر . فوریه ، الماسنی (نیوتون) ك جاذبه قانونی كشف ایتدیكى مشهور المایه قیاس ایتكده در .

(نیوتون) بر المانك دوشوشندن جاذبه قانونی كشف ایتدیكى كبی فوریه ده بو المادن كندیسنه مخصوص بر جاذبه قانونی كشف ایتك ایسته مكده در . بو بزی فوریه نك پك مربوط اولدیغنی بر حسه سوق ایدر ؛ فوریه بشربتك جبر ایله دكل ، متقابل بر جاذبه ایله تنسیق ایدلسنی ایتیور . « جبردن طلب ایدیلن هرشی بر دها نقصاتی كوسترر » جمله سنی یازان كندیسیدر . دها آهنگدار صور حلیه بولق لازمدر . هوسات بشریه یه قارشى حرکت ایتمه ملیدر . انسانلر آراسنده كی مناسباتی دها ای بر صورتده تنسیق ایتككه بالجمله هوساتدن استفاده تآمینى ممكندر . بوكا بناءً فوریه بالجمله هوسات بشریه یی بواوغورده استعمال ایدرك مسئله اجتماعیه نك آهنگدار بر صورتده حلی انتاج ایده جك بر سیستم وجوده كیرمك ایسته مكده در . بو صورت حلی فوریه سرمایه نك نفینده آرامدیغنی كبی ، حق صاحبی اولارق یالكنز سعیده طانیمايور . فوریه استحصالك نتیجه سنی اوچ پایه آریيور . سرمایه بر پای ، سعیه بر پای و مهارته ده اوچونجی بر پای ویریور .

فوریه سوسیالیسمك اك اساسلی مشغله سی ، اك شایان دقت نقطه سی استهلاكر . سن سیمونین سوسیالیسمی هرشیدن اول بر استحصال سوسیالیسمی اولدیغنی حالده فوریه ریسم بر استهلاك سوسیالیسمی در . فوریه ، مسائله مستهلك نقطه نظرندن باقیور ؛ دائماً تآمین ایتك ایسته دیكى مستهلك منافعیدر .

بو منافعى هانكى اصوللره تآمین ایده جكدیر ، فوریه نك فكرینك مثبت و اجرائی قسمی هانكیسیدر ؟

فوریه اجتماعى تجدد پروگرامنك تحققی ایچون ، ایشه كندی آارلرنده باشلایه جق اولان



استاذہ 'حق' قدن قسطاکی انطوپولو پاش

رطاقم کوچك شركت زمره لری تشکیاتی تصور ایتمکده در . ایشته فوریه نك فالانسته
تسمیه ایتدیکی شی بودر .

بو شرکتلر متوسط قطعه ده بر اراضیده یرلشه جك بیک ایکویوز کشینک اجتماعندن
ترکب ایده جکدر . بو اراضی اورته سنه تیاتروسيله، لوقنطه سيله، دائراً مادر بفعه لریله بیوک
براول - بو کونکی تعبیرله بیوک بر پالاس - بنا ایدیله جکدر . بوراده یرلشه جك اولان
ارباب مساعینک سعی، فوریه نك تبیین وتعداد ایتدیکی هوسات بشریه passions نظر دفته
آله رق، تنسیق ایدیله جکدر . فوریه یه کوره ۶۳۷ هوس واردر .

فالانسته رده کی حیاته حاکم اولاجق فکر بالخاصه سعی خصوصنده فکر تنوعه
حرمتدر . بومبدادن حرکت ایدهرک فوریه یوم مساعینک صورت استعمالی حقتده مفصل
بر پروغرام چیزمکده در . فوریه سعی بو پروغرامله تنسیق ایتک سایه سنده استحصالک
اون مثله چیقا جغه، هر نوع تصرفاتک ممکن اوله جغه هر کسی اقناع ایتک ایسته مکده در .
بو بر نوع بیوک و مشترک عائله ایچنده سعیک ده عادلانه بر صورتده توزیعی وبالخاصه
استهلاکاتک دهایی بر صورتده تنسیق سایه سنده هر نوع تصرفات ممکن اولایله جکدر .
بو فکرلر ایچنده بالاخره تجربه نك تأییداته مظهر اوله جق بر چوقلری واردی .
بو کون بتون بر اقتصادی مکتب فوریه نك فکرینک اساسلرینی یشاتمقده در و بوده
قوئوپراتیفجیلکدر . قوئوپراتیفجیلر مبیاعه نی، الکزیاده تصرف تأمین ایده جك صورتده تنظیم
ایتکه و متوسطلره تأدیه ایدیلن خراجی تنقیص ایله مکه چالیشدقلرندن فوریه یه استناد
ایتکده درلر . بوسورتله عمومیتله متوسطلرک آرارنده توزیع ایتدکاری تمتع، قوئوپراتیفلرده
« اعاده Ristourne » نامیله مبیاعه لری نسبتنده قوئوپراتیف اعضاسی آراسنده تقسیم اولنمقده در .
بو کیفیت قوئوپراتیفجیلک عالنده مبیاعه نسبتنده اعاده اولونه جق مبالغدن بشقه بر
شی دوشونلر، معاسنده تلقی ایدله مایدز . بواصول سایه سنده هر کسه فائده مند اولاجق بر
اجتماعی اصلاحات الده ایدیله جکی امید ایدلمکده در . موسیو (شارل ژید) قوئوپراتیفک یالکز
بردکان دکل، عینی زمانده بر ییلدیز اولدیغنی خاطره کتیرمک ایچون هیچ بر فرصت فوت
ایتمه مکده در . بو اوزون مدتدن بری تخیل ایدیلن بر اصلاحات پروغرامیدر و بو اصول ایله
حقلی اولارق زواللی دنیانک پک چوق شکایت ایتدیکی بر چوق عدالتسزلیکلرک تصحیحی
مکن اولاجنی امید ایدلمکده در . قوئوپراتیفلر اوزرینه ، بو صورتله برسوسیالیم امید
آشیلاشمش اولیور .

استهلاک قوئوپراتیفری فهدراسیونی کاتب عمر میسی موسیو (پواسون Poisson) قوئوپراتیف جمهوریتی اسمنده کی اثرنده قوئوپراتیفجیلرک مؤسسه لریله فصل سوسیالیستلک یایمق ایسته دکلیرنی ایضاح ایتمکده در : فیاتلر سویه سی مستهلک نفعنه اولارق تنزیل ایتمک ، اشتراآت خصوصنده بتون مغازه لر حاکم اولاجق درجده قوتلی بر مشتری غروپی تشکیل ایلمک بومقصده داخلدر . قوئوپراتیفجیلر اجتماعی مسئله نک پراتیک صورت حلنک کندی اللرنده اولدیغی فکرندن پک اوزاق دکلدر . شارل ژید (اجرت اصولنک الفا ویا استحاله سنه مختص مؤسسه لر) اسمنده کی اثرنده بو استحاله یی تأمین ایتمک ایچون اک امین واسطه نک اولا قوئوپراتیف دکرمنه صو کتیرمک اولدیغی اثبساته جالیشمقده در . شایان نظر اولان جهت قوئوپراتیفجیلک ایله دوغریدن دوغری یه خلقلک منافعی مدافعه اولوندیغی نقطه سیدر . قوئوپراتیفجیلر ، « قوئوپراتیفری تعمیم ایتمک ایسته مکله منافع عمومی مدافعه ایتمک ایستیورز . زیرا هر کس مستهلکدر » دیرلر . بونقطه نظری مدافعه ایچون قوئوپراتیف تنبعاتی مجموعه سی La revue des études Coopératives نامی آلتنده بر مجموعه نشر ایتمکده درلر و بونک ایچون ایکیوزدن فضله دارالفنون منسوبیننک امضاسنی حاوی بریانا مه لری واردر .

بناءً علیه فرانسه دهده قوئوپراتیف دنیاسی اولدجه ای بر صورتده تنظیم ایدلشددر ؛ بو قوتده بیوک بر مشتری کتله سنه مالک و بر عنعنیه صاحبدر . ایسته بوندن دولای چوق کورولتو یایمايان ، فقط چوق ایش چیقاران بومؤسسه اوزرینه نظر دقتکزی جلب ایتمک ایسته دم . بو بر انقلاب قوتی دکلدر . ارتجاع قوتی ده هیچ دکلدر . بو بر تکامل قوتیدر . بو اصولک تعمیمی سایه سنده یواش یواش حیات اقتصادی یی تماماً یکیشدیره جک استحاله لر تأمین امید ایدیه بیلیر . اخیراً (بولونی سورمه ر) رادیقال قونفره سنده موسیو (په نلوه Painlevé) قلاسیک بر مثال ایرادیه حل اوله جق بیوک معادله نک « مناقلاتی قطع ایتمکسزین غاری تعمیر ایتمک » اولدیغی سویله مشدی . حقیقهً غار یکیدن یاپیلمغه محتاجدر . لکن بونک ایچون مناقله نک تعطیل ایدلمه سی لازمدر . ایسته قوئوپراتیفجیلرک ده بو نوعدن اصلاحاتی اولدیغی ظن ایدرم و بونک ایچون قوئوپراتیفجیلک بلکه ده بزی فائده سز بر جوق صارصینتیلردن محافظه ایدهرک لازم کن تکامل مرحله لرینی احضار ایدن بر قوت دیه تلقی ایدیه بیلیر .

فرانسه آراهه سنه قوشولش اولان اوچ درت قوتی کوزدن کچیردک . « بو قدر قوت

چو قدر و فرانسه آراہیسی بو قوتلردن هر بری طرفندن باشقه استقامته چکيلمک صورتیه
پارچالانمق تہلکہسنہ معروضدر ، ديه جکسکز . بن ايسه عکسنہ قائل اوله رق بو قوتلرک
امتزاج ، تلافی و تعادل ايتدکری قناعتدهيم و بالخاصه بو متنوع قوا اوزرينہ استناد
ايتمکدهيم .

بو متنوع قوتلر سایه سنده معاصر فرانسه نك يالکز مقانيك بر نظامه تابع بر مملکت
اوليوب بالعکس اجداديمزک بتون دنيايه نشر ايتدکری بيوک فکرلره لایق اولاجق
صورته عضوی بر ترقی تعقيب ايدن برملت منظره سنی ارأه ايتمکده دوام ايدہ جکني اميد
ايتمکدهيم .

مترجمی
حقوق فاکولته سی اقتصاد مدرسی
• مؤلفی
صوبون مدرسلرندن
• • •
ابراهيم فاضل
• • •

